



樂清仇氏宗譜

卷一
上本

公元一九九四年
春月
重修

仇氏大宗宗譜第八次續修序

公元一三三三年，元梅公遊雁蕩山，見卓嶼山川秀麗，土地肥沃，遂擇定居。美麗富饒的卓嶼，東有龍頭山，透迤連百嶂；西有彈涂嶼，舉頭望五尖；南面雙尖頭，北倚馬鞍山，奇峰巍峨，崢嶸對峙。後湖溪東西貫穿于兩山之間，潄也清泉，常年不息；拔地而起的卓嶼山，昂首挺立，高插雲表，屬雁蕩一百零二峰，俗稱雲嶼峰，又名卓筆峰。六百六十年來，仇氏宗族得天獨厚，繁養生息在此山川毓秀、人杰地靈的福地之中。

上溯四千年前的夏代，仇氏祖先本姓九，在商代九吾氏

被封爲九國候。因紂王無道，對九姓人實施野蠻的。醜九族的酷刑，爲反抗夏紂暴政，九氏宗族的難子難孫紛紛散居列國，改九姓爲仇姓，以喚起族人對紂王的深仇大恨。歷史上，仇氏昌盛于南陽，顯赫在莆田，曾有仇崇溪等人先後任歷代官廷要職；宋代更是仇氏人才濟濟的黃金時代。

宗譜是家史、族史，又是村史。給人別尊卑、明親疏，辨長幼；記述宗族沿革、仕宦政績、婚喪嫁娶、生卒墓所以及族中大事。仇氏宗譜初立于明正統丁卯年（一四四七年）歷經七次重修，流傳至今。自一九三九年第七

次重修迄今，已隔五十五年，續修宗譜，歷史地落在當代仇氏後裔肩上。一九九三年春，由下嶼坦德忠、明周二公牽頭，聯絡卓嶼心維、善良、心貴、下嚴心雲等族人，組成二十一人，仇氏譜局。經一年時間的多方聯絡，內查外調，並得到離退休老干部的支持，終於圓滿完成這一義不容辭的歷史任務。

五十五年來，社會發生了巨大變革。從新民主主義革命到社會主義革命；從半殖民地半封建社會進入社會主義社會；推翻蔣家王朝建立中華人民共和國。這一歷史時期內，在中國共產黨領導下，仇氏宗族中涌現出許多叱

咤風雲的英雄人物和可歌可泣的光輝業績，在那戎馬倥偬的年代里，他們南征北戰，出生入死，為祖國的解放和獨立，拋頭顱，洒熱血，建立了不朽的功勳。二十世裔孫雪清，是大荆地區地下黨和游擊隊的組織者和領導人，共和國樂清縣首任縣長。在他的策動下，仇姓人中有一九三八年前的老黨員、游擊隊員、交通員；其中有康阜、保燦、昌堯、允振等為國捐軀的革命先烈。一九四九年，樂清縣人民政府首批承認卓嶼為革命老區。五十五年來，仇氏宗族為建設家鄉，堅持和大自然作不屈不撓的斗争。披荆斬棘，鑿岩開山，建立果園，改溪

造田，建造水輪泵發電照明，碾米磨粉；發展水利事業連年增築四條數千米長的防洪堤壩，使村庄和農田免遭水患侵害。

五十五年來，仇氏丁口興旺，人才輩出，文化素質空前提高。有人民解放軍連長以上的干部十四人。在國家行政機關有科局長級以上的干部九人，正縣級以上的九人。文化教育界，有大學生一百零二人，留學生四人，大學教師四人。在新聞界，有電台、報社的記者、編輯、總編輯和市新聞工作者協會主席，浙江省記者協會副主席。科技界有工程師九人，高級工程師六人，還有科技專家

三人。仇氏後裔，人才濟濟，他們分別奮斗在工農商學兵各條戰線上，共同為國家、為人民、為當前的改革開放作出了卓有成效的奉獻。

憶古惜今，仇氏祖先曾掙扎在面臨滅頂之災的死亡綫上並頑強地堅持下來，才有仇氏宗族的延續，才有仇氏後裔的今天。

望：仇氏後裔牢記歷史，追遠修睦，積厚流光，繼承祖功宗德，發揚光大！

願：仇氏後裔珍惜現在，在改革開放和建設有中國特色的社會主義的偉大事業中，為國為民，再立新功，創造

惊天動地的光輝業績！

祝：仇氏後裔放眼未來，教育子孫下代，發揚革命傳統，樹立遠大理想，為祖國光輝燦爛的明天，奮發拼搏，英勇奮斗。

二十世 浙江省記者協會副主席

廿一世 溫州日報社總編輯 仇德盛

廿二世 公元一九九四年二月

天... 光... 周... 昌... 明... 心... 善... 保... 昌... 保... 昌... 保...

WENZH LIBRA

樂清仇氏大宗譜第八次續修

譜局成員名單

總經理

十七世孫

昌耀

經理

十八世孫

明周

經理

二十世孫

心維

經理

二十世孫

心云

經理

廿一世孫

善良

總編輯

廿二世孫

保平

編輯

十七世孫

昌燦

編輯

廿二世孫

保呈

公元一九九四年五月

助編 十九世孫 允服

助編 十九世孫 允池

助編 二十世孫 心惠 兼出納

助編 二十世孫 心飛

助編 廿一世孫 善寶

助編 廿一世孫 善植

監察 十七世孫 昌波

監察 十八世孫 明奎

監察 二十世孫 心義

監察 廿一世孫 德茂

校對 十八世孫 明夫

校對 十九世孫 允權

校對 二十世孫 心貴

校對 廿二世孫 保林 兼會計

印刷 瑞安市平陽坑鎮東源村王法鏐

公元一九九四年五月

保呈 二百元

善福 二百元

善冬 一百二十元

心誠 一百元

保德 二百元

善元 二百元

心榮 一百二十元

善平 一百元

仇氏族人在第八次續修宗譜暨修建宗祠中慷慨解囊
資助 特將樂助名單入譜 以資紀念

樂清市 卓嶼

德林 貳仟元

心光 壹仟元

德奎 三百四十元

善祿 三百元

慧杰 三百元

慧敏 三百元

保呈 二百元

保謙 二百元

善韜 二百元

善元 二百元

陳冬梅 一百二十元

心榮 一百二十元

心維 一百二十元

保卓 一百元

LIBRARY

德志 一百元

保康 一百元

小樂 一百元

保平 一百元

如金 六十元

洁芬 五十元

下嶼坦

明河 三百四十元

明復 三百元

文榮 一百元

允波 一百元

德華 一百元

德邦 七十元

中肖 五十元

善信 五十元

明和 三百〇五元

昌炎 二百元

明周 一百五十元

明富 一百二十元

定根 一百二十元

人茶 一百元

明來 一百元

文平 一百元

文華 六十元

德忠 五十元

心惠 五十元

君福 五十元

和培 一百二十元

小富 一百二十元

心道 一百二十元

明恩 一百元

榮飛 一百元

允紀 六十二元

紀根 六十元

以云 五十元

君成 五十元

定滿 五十元

以連 五十元

金滿 五十元

以方 三十元

昌再 二十元

明林 五十元

允萬 三十元

允義 二十元

福近 十二元

下嚴

雪清 壹仟元

德盛 五百元

善狀 三百五十元

心標 三百元

德斌 五百元

中美 五百元

善將 三百二十五元

心彬 三百元

張榮源 二百二十元

善壯 一百元

心洪 一百元

心朝 六十元

金茂 六十元

心銀 六十元

志明 六十元

保華 六十元

小漢 六十元

德明 六十元

小華 二百元

德旺 一百元

保光 一百元

德財 六十元

心者 六十元

心龍 六十元

性善 六十元

小壯 六十元

德友 六十元

心云 五十元

心飛 五十元
德岳 五十元

善植 五十元

龍皮香

伍明 一百六十二元
明秀 一百〇二元
明水 一百〇二元
允福 一百元
允光 一百元
明考 一百元
心旺 一百〇二元
明順 一百〇二元
允平 一百元
行呈 一百元
允亮 一百元
善德 五十二元

善江 五十二元
允友 五十二元
善福 五十二元
定茂 十五元
允叙 五十二元
善保 五十二元
明德 五十二元

南合

義玉 一百元
建旺 八十元

山谷坑

心友 一百元
善波 五十元

善方 三十元

芙蓉

振福 五百元

清江渡

允順 二百元

旭明 一百二十元

德福 一百元

傳人 五十元

朋友 二百元

心漢 一百元

心金 五十元

五十二元

選坑

允樹 一百元

小洪坑

國澄 一百二十元

水漲

紀耕 五十元

心柑 五十元

一百元

一百二十元

一百六十元

式達 五十元

大荆

昌裕	五百元	昌順	五百元
汝良	五百元	心俊	五百元
建軍	二百元	小良	一百六十元
心文	一百五十元	善云	一百二十元
明盛	一百二十元	相達	一百元
心岳	一百元	近雄	一百元
德超	一百元	善杰	八十元
世順	六十二元	學富	六十元
學生	五十元	昌瑤	五十元

WENZHU LIBRARY

萬森	五十元	德勝	五十元
德龍	四十元	德輝	三十元
方來	二十元	德柱	一百元
虹橋鎮	一百二十元	德榮	一百元
心華	壹仟元	德奇	一百元
德寶	一百元	德亮	一百元
德亮	一百元	德雙	一百元

溫嶺市

麻車嶼

德定	二百二十元	德根	二百二十元
允水	二百二十元	允方	一百六十元
允富	一百六十元	允池	一百二十元
允康	一百二十元	允亮	一百二十元
允蘭	一百二十元	心從	一百二十元
德云	一百二十元	允原	一百二十元
心軍	一百二十元	心福	一百二十元
小春	一百二十元	德生	一百二十元

德慈	一百〇二元	德林	三百〇二元
允希	一百〇二元	德慶	一百〇二元
允春	一百〇二元	允貴	一百元
允順	一百元	心香	六十二元
心青	六十二元	允根	五十二元
明荷	三十元	允泰	五十五元
允誠	五十元	允謙	五十元
允圖上琪	五十元	允謙	五十元
心增	三百元	心川	一百五十元
允法	一百五十元	明根	一百元

允秋 一百元

小秋 一百元

心國 一百元

心岳 五十元

允祥 三十二元

明正 二十元

允行 二十元

春林 一百二十元

仇家渭

允春 一百元

萬民 一百元

萬增 一百元

心標 五十元

友春 三十元

明妹 二十元

明燦 五十元

根壽 五十元

桂友 三十元

允塘 十元

德東 五十元

明相 十元

允定 十元

小河頭 五十元

明福 五十元

明友 五十元

明方 五十元

明通 五十元

明堂 五十元

明康 五十元

玉環縣

廟灣

德萬 一百〇二元

允建 一百元

紀生 五十二元

保芬 五十元

保頭 五十元

保信 五十元

瑞釗 五十元

德貴 一百元

允法 五十二元

保國 五十元

保初 五十元

保舜 五十元

保增 五十元

心來 三十元

白塔

明池 五十元

心輝 正十元

心正 隔嶺 正十元

允友 二百二十元

心亮 二百二十元

廣順 一百元

廣順 采桑 一百元

德士 一百八十元

心旺 一百元

全圖 正十元

心財 二百二十元

心祥 正十元

心高 一百元

益順 一百元

保增 一百元

德順 一百元

保法 一百元

德可 一百元

可玲 一百元

德明 一百元

心高 一百元

德財 一百元

心祥 一百元

心向 五十元

心章 五十元

心傲 五十元

德義 五十元

心江 五十元

全國 五十元

心聰 五十元

保云 五十元

白登

樂善信白宗誦卷一

德平 五十元

台灣

宋嬌妹 二百三十元

心禮 一百八十元

其原因五胡起金夏漢為食雜中土不請籍夏之禮故設法

樂清卓嶼下畝壇仇氏重修大宗譜序

積人成家積家成族積家族成民族而國興焉吾國民族衍自炎黃厭越封紫蒙昌意降若水夏后淳維蕃孳北域卽五族何莫非一家顧年代既遐荒邈難攷古史所載受姓之始蓋有無從徵信者矣譜牒之盛其在魏晉南北朝之間乎北史高諒造親表譜錄四十餘卷自五世以下內外曲盡南史賈弼之賈希鏡祖孫三世廣集百氏譜記專心習業凡十八州士族譜該究精悉皆如貫珠譜學名家斯爲首選唐初路敬淳於姓譜學亦負令譽趙宋南渡其風尤盛中上之家殆無不各有其譜者推其原因五胡遼金更迭薦食雜居中土不勝猾夏之懼故汲汲

卷一
卷二
卷三
卷四
卷五
卷六
卷七
卷八
卷九
卷十
卷十一
卷十二
卷十三
卷十四
卷十五
卷十六
卷十七
卷十八
卷十九
卷二十
卷二十一
卷二十二
卷二十三
卷二十四
卷二十五
卷二十六
卷二十七
卷二十八
卷二十九
卷三十
卷三十一
卷三十二
卷三十三
卷三十四
卷三十五
卷三十六
卷三十七
卷三十八
卷三十九
卷四十
卷四十一
卷四十二
卷四十三
卷四十四
卷四十五
卷四十六
卷四十七
卷四十八
卷四十九
卷五十
卷五十一
卷五十二
卷五十三
卷五十四
卷五十五
卷五十六
卷五十七
卷五十八
卷五十九
卷六十
卷六十一
卷六十二
卷六十三
卷六十四
卷六十五
卷六十六
卷六十七
卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十
卷八十一
卷八十二
卷八十三
卷八十四
卷八十五
卷八十六
卷八十七
卷八十八
卷八十九
卷九十
卷九十一
卷九十二
卷九十三
卷九十四
卷九十五
卷九十六
卷九十七
卷九十八
卷九十九
卷一百

焉標其郡望分析其世系宗枝以自旌異斯亦民族精神之所表見也顧譜牒之盛雖激於外族之榛雜而溯其肇始大旨要不在乎此司徒五教曰父子有親長幼有序夫婦有別地官六行曰孝曰友曰睦宗譜之設辨昭穆而謹婚姻明宗派而崇一本蓋亦五教六行之遺意矣聖人之教人也曰推恩人人親其親長其長而天下平其義似隘其用實弘世之變也鄙棄彝倫競爲新說不爲猾夏之懼而務殊俗之樵有議廢姓者有議兒童公育者有議匹配自由而不顧血胤倫序者以爲如此乃足以昭大同而泯畛域其實國家強弱民生治亂初不繫乎此雖習非亦可以成是而變亂舊章毀棄彝典紛更假擾所得仍相

等是亦不可以已乎孟子之言曰國必自滅而後人滅之若茲之爲所謂自滅者非耶猶幸數千年文化之涵濡禮教之漸染基礎深固不可猝拔倡者有人和者卒鮮偶見於通都而不行於外邑否則辛有伊川之痛吾族早已泯沒於五胡遼金數典盡忘其祖矣疑生長杭垣足跡罕出里閭見邦人士有宗祠譜牒者甚鮮聚族而居者尤鮮大抵數世之久非他徙即陌路以吾族而言自南宋遷杭以迄於今歷世不可謂不久宗枝曾盛一時亦有宗祠亦有譜牒顧一摧於明季之亂再殘於洪楊之禍蕩焉泯焉僅有孑遺有宗祠而無可復有譜牒而無從修遭逢不幸竊嘗痛之比因避寇轉徙嚴陵壽昌以迄樂清所過

訪問風俗覺族於斯者無不有宗祠無不有譜牒大者數千戶少者亦數百戶春杓秋嘗鼓鐘酌饗昭穆雲仍躋踰一室而按其宗譜則以時修纂無或失墜於以歎都會之漓不若外邑之淳且厚也都會之危不若外邑之安且久也樂清仇氏其先世在元時自閩遷邑之卓嶼歷年數百歷世數十蕃衍逾千代有聞人今歲適當修譜之期賢胤濂青約三諸先生燕置於其宗祠而以序文見屬余不敢以不文辭謹就譜牒所以盛衰之由而雜以身世之感著斯篇以歸之

民國二十八年歲次己卯仲秋月 穀旦

杭縣宗文中學校長鍾毓龍頓首拜撰

卓嶼下畝壇仇氏七修大宗譜序

昔史遷作史記立世家年表後世士大夫宗之遂成宗譜也非有史之遺蜕乎上之言祖宗源流之所自下之詳子姓世系之所屆其間忠孝節義之事實士農工商之行誼以及一善之稱一藝之長無不包羅記錄他如僧道方外嗣續爲虛叛逆大奸罪刑已著亦必鳴鼓而攻不許載入簡編使天下後世有所勸勉有所懲戒非史也而有史之道焉譜牒之於人也顧不重歟戊寅之秋友人仇漣清約三輩有事於大宗祠并議修宗譜欲將丁未卓嶼所分修者合而爲一謀諸衆皆曰可於是邀余主修余曰否也余何人斯敢言修譜乎二君不見原不獲辭乃允

焉展舊帙閱原圖上世仇氏夏爲九吾氏商爲九侯國九侯羅紂氏難子孫改九爲仇春秋時仇牧爲宋大夫若漢仇香隋仇璋代有傳人此仇氏遠祖也宋有諱伯玉者官戶部侍郎居閩莆田此本支始祖也閱二世有聞昭聞晰聞明兄弟三人長居四明次居會稽三居下浦爲台州鹽鐵大使閱三世元至順元年元梅公以簪纓之世胄庠序之雅望精堪輿術遊雁蕩山見卓嶼山川秀麗土地肥美遂定居焉此卓嶼始遷祖也厥後閱世廿二閱年五百以一人之身發至千餘人譜已六修咸述宗功祖德爲子孫勗今又三十二年時移世易生卒墳塋婚嫁遷徙諸端湮沒者多其可已乎遂借蔚文先生精通譜學慣修族

譜暨服民夙民二君從事編輯發凡起例定有專條圓圈方空用以識別務允洽於事宜不拘牽於古制經始於仲秋閱周歲而告竣體裁圖樣煥然一新始知爲譜之道合諸片帙之中貫諸一綫之內無親疏貴賤遠近之分定先後列行序雖千百年後有遺失者按譜以求無不瞭然視世之置親人如行路等骨月如秦越者其相去奚啻霄壤噫余謂下畚壇與卓嶼本一祖也宗譜宜合而不宜分使人知本支百世血統千秋第知卓嶼爲仇氏而不知大宗向在下畚壇也卓嶼卓筆書雲嶼峰獨秀秀毓靈鍾代有聞人清沒時尚有邑庠生六人右庠生三人人文蔚起茂才蓬興近來學校畢業者頗不乏人下畚壇開基以

來明時鼎盛青衿累葉富甲三鄉田園廣置堂構森嚴溪裏溪外有三財主之稱至今繼起有人富而加教國外遊學者亦有之鄉鄰盡羨宗族光榮是役也向非祖宗呵護之靈則斯譜之分安能復合茲幸譜之分而合修也將以明孝弟之道焉講親親之義焉獎倫以敦風俗以厚教化以行所謂不出家而成教於國者於是乎在詩曰子子孫孫勿替引之吾爲仇氏大宗詠焉爾

民國二十八年歲次新春月吉旦

庠生任大荆鎮長鄭 廉謹撰

第十八世裔孫庠生解合修校正

既分復合譜序

今夫譜之爲用亦大矣哉非惟有以別尊卑明親疎序昭穆已也抑且賴以書仕宦政績載忠孝節義記生卒墳塋矣而外此嗣續之未定應會議以承繼之丁口之遺漏宜考核以添修之婚嫁之失載須查察以補誌之而一切源流支派系圖自始祖元梅公入譜以來係一貫綿延絡續雖歷久而未有變分者也無如降及後世人心不古意見各殊當光緒丁未間而忽於吾鄉上下同族相連之譜瓜分兩岐各自修輯屈指光陰已有三十餘年矣今幸族弟約三出頭經理補救挽回恐一悞再悞世遠年湮真贋莫辨於是會同統族之老成共相妥議將前度既

分之譜牒今則復合而釐定之則一派之流傳不啻千秋之維繫其仁孝之達於祖宗恩宜之流於族黨非淺鮮也諒後之攷斯譜者而一見夫本本原原同歸一致其必稱道勿衰也乎是為序

時

民國二十八年歲次己卯八月 穀旦

同族庠生能免夫謹撰

今夫譜之流風亦... 同族庠生能免夫謹撰

卓嶼下舍墳仇氏宗譜卷一

宗文中學校長鍾毓龍編輯

邑庠生鄭 廉編輯

邑庠生盧鴻藻編輯

十九世孫允柱助編

二十世孫心啓助編

十八世孫明豹校對

十九世孫允周校對

允河監察

十六世孫學周監察

十九世孫允清總經理

允河副經理

允桂副經理

允權副經理

允美參考

十六世孫學坤參考

十八世孫明鎮參考

二十世孫心朋訂定

心玉心翼

心浩

廿一世孫善祿全訂定

譜圖重修卓嶼下畝壇仇氏大宗譜序

雁蕩百二峰而二靈為最南北兩港千萬戶而仇李林章四姓為鉅然究四姓而仇首著者亦以百世本支九侯苗裔根深而木茂源遠而流長也考仇氏秦漢而來初盛于南陽後顯于蒲田若紹若甯若台亦皆瓜綿椒衍而卓嶼一族則自元梅公始元梅公元至順時人也自元迄國朝光緒丁未歷年四百左右譜經五輯一在明正統丁卯一在嘉靖丙寅一在國朝康熙丁亥一在嘉慶丁巳一在道光庚子所主修者若耕祿公雙清公以及葉胤李三先生皆哲匠名師其中所載規條所陳品式所列源流詳哉其言之可無余贅矣獨念余本不才謬應此

舉狗尾續貂媿笑不免然余豈無端而出此亦因伊族有涇卿者叨祖宗之庇習陶朱之術近年來家稱少有慨然以譜事爲急也雖傾囊解橐概弗之吝日者偕族長國朝國翰房長學文昌銓昌秀暨明洋明德明槐明榮明義諸君款舍懇請余不獲辭無奈任之嘗聞爲譜之法必本于史尤須不悖乎經余既無西漢司馬之史才復無北海康成之經學仇前輩所謂譜學一途某初未諳者我之謂矣聿乃強邀敝知己徐西庚先生同謀厥事行次之分明脈絡之貫通生卒之明瞭墳墓之坐向年齒之整齊較前輯而更備者皆由西庚先生勞厥心而董厥成余濫廁其中以弋主修之名靜言思之竊辨有標然余猶有可言

者以仇氏人文蔚起茂才蓬興反委譜事于余余得以依附末光始而自慚繼而自幸也嗟乎覩斯譜者孝悌之心油然而生蘇眉山言之鑿也今則前而宗祖後而子孫知某也與某也爲同條共貫某也與某也爲合氣連枝天顯之親友于之念勃不可遏皆于譜乎是賴譜之修願可忽乎哉是役也經始于春暮告竣于冬初圖錄燦然昭穆朗若然復嘆仇氏之根深木茂源遠流長得爲南北兩港之望族也於今爲烈是爲序

大清光緒三十三年歲次丁未十月 吉旦

誥授奉直大夫歲貢生候選儒學訓導

荆溪燧堂蔣 炯頓首拜撰

仇氏重修宗譜序

春秋萬法謹於始體積萬數起於點人類紛生始於祖推而遠之中華四萬七之衆俱系有熊氏後則四萬七衆同一祖也約而近之父母伯叔兄弟子姪之疇均出自祖後則父母伯叔兄弟子姪同一祖也由近以及遠由親以及疏由祖而至於曾祖由曾祖而至於高祖由高祖而至於房祖由房祖而至於族祖族祖以上代遠年湮人類衆多譜牒有不得而紀焉所可紀者房族之祖耳能紀故能親書曰以親九族九族既睦

聖祖仁皇帝尤以篤宗族以昭雍睦爲論蓋以人之有宗族猶木之有本水之有源也子姓繁衍猶水之有江河木之枝茂參天

也追本溯源一也岐而視之不可也禮曰尊祖故敬宗敬宗故睦族睦族之道在乎明長幼之節循尊卑之分追淵源之所自聯一本之情誼意在譜乎意在譜乎此廬陵眉山二氏所以先一着而注意也乎今者萬國交通堂奧洞開輪舶火車星羅棋布異種遍處黃族陵夷紅白黑搜諸色人日肆鯨吞之術陰懷蠶食之謀於是中華豪傑士謀國是者著書立說莫不以保種爲第一要義然保種之道在乎合羣合小國之羣易合大國之羣難日本其先轍也合小國之羣易合一族之羣尤易理勢所必至也故自二氏之法行譜牒之道傳敦親誼而聯族羣者舍此奚由我仇氏之譜自一世祖元梅公遷至卓嶼五百年間重

修四次由道光庚子之修至今已六十餘年前修渺也特經理者乏人在即求之初生者亦百不得一焉既不免風碎雨潤又恐庚甲墳墓或因之而失實今庚春族叔明奇有感於此偕家嚴於春分日會同族太公國朝國翰學文族叔公昌川房叔公昌秀族伯明云族叔明懷明德等商諸族人爰請蔣徐二夫子董其事經始於三月初六日閏十月而譜牒已告竣矣詞意詳明序次不紊洵乎天空之星月和族之膠漆俾吾族人見之孝悌之心有不油然而生得乎哉也不才既忝人患焉敢越庖所以不揣愚陋爰綴蕪辭者非爲侈華誇麗也蓋願繼此以往百世之遠凡吾族類各敦親比之誼永洽同氣之雅勿以細

故而詒粟帛之請勿以微嫌而起蕭牆之禍鄰里宗族肅匕雍
雍長幼老少穆匕和匕不特上有以答祖宗已也即孝悌之道
是在修身之道亦在乎是

光緒三十三年歲次疆團協洽 十九世孫邑庠生允河沐手謹識

原序

族譜何爲而作也士君子尊祖敬宗之心也蓋自親言之有至
親焉有從親焉有再從之從親焉參差遠邇至不齊也邇而上
之自父而祖而曾而高本乎一人而已脈絡之相屬本支之相
貫可無親匕之誼乎派有遠邇分有親疏可無輕重之倫乎篤
親匕之誼審輕重之倫非譜曷以哉此族譜不可以不作也世
人不知此義遠附貴顯旁引譽髦以弁諸首將自誣以誣人其
所謂尊祖敬宗者然乎否耶先儒族譜惟眉山蘇氏之法最具
觀其親盡而譜不及者譜爲親而作也自父至高祖而書之特
詳者原其所自出也所自出者必曰諱某而他直名之者尊吾

之所親也使後之子孫觀吾譜孝弟之心油然而生矣嗚呼誠可謂篤於尊祖敬宗者歟吾仇氏乃宋大夫仇牧之後也世居南陽望出陳留逮傳至漢延熹中有名香者字季智爲蒲亭長有異政拔潁川太守又傳隋文帝時有諱璋者義闡六經而成大儒再傳至宋有諱伯玉字粹夫官至戶部侍郎居閩地其後最盛理宗嘉熙間我始祖兄弟三人俱北往長曰聞昭次曰聞晰季曰聞明長居四明次宦遊會稽而居之季本支祖宋嘉泰間爲台郡黃邑鹽鐵大使遂居下浦我卓嶼祖乃下浦聞明公曾孫令尹復菴公幼子也元至順四年來地籍於斯焉自始祖以至於今已五世矣子孫繁衍百有餘人不立一譜則世遠代隔

名號不傳長幼莫辨親疏淪而昭穆紊矣是誰之責歟余於是涓吉日會諸族彥聚議於高祖以上親盡者去其旁支詳其本派以高祖懷嶺公爲始爲一世祖其法以眉山蘇氏爲定分支析派列圖於左稽尊卑長幼列代行序以某也係某公之後如此則昭穆不亂而親疎具見矣是爲序

昔

大明正統丁卯

五世孫從的謹撰

吾仇氏自元初肇基以來世凡九更矣家譜圖籍已為正統十
二年耕祿公鼎立於始余今按耕祿公止詳於始祖至從元六
世自宗世以下咸闕紀是蓋遵歐陽氏譜法詳明於其所可見
之世而前所未見者不錄也今嘉靖四十五年又百餘歲矣子
姓繁衍數倍於前失今不修後蔣莫識其名號亂其昭穆矣一
日余合族弟姪輩聚會宗祠議為重修之舉余謂吾族之譜已
經耕祿公之手圖牒詳明不致遺失品式備具舊緒可循不必
外延賓師惟與吾家敏達之士集議而共成之可也乃於九月
吉日舉事公所旁咨老成考前代之未登譜者訪其名號稽其

原序二

吾仇氏自元初肇基以來世凡九更矣家譜圖籍已為正統十
二年耕祿公鼎立於始余今按耕祿公止詳於始祖至從元六
世自宗世以下咸闕紀是蓋遵歐陽氏譜法詳明於其所可見
之世而前所未見者不錄也今嘉靖四十五年又百餘歲矣子
姓繁衍數倍於前失今不修後蔣莫識其名號亂其昭穆矣一
日余合族弟姪輩聚會宗祠議為重修之舉余謂吾族之譜已
經耕祿公之手圖牒詳明不致遺失品式備具舊緒可循不必
外延賓師惟與吾家敏達之士集議而共成之可也乃於九月
吉日舉事公所旁咨老成考前代之未登譜者訪其名號稽其

生卒及後之生者別其長幼列爲行目支派整比秩然可觀不
逾月而譜成焉人有恒言本固而末斯茂源深則流自長余於
先公垂統啓佑後人者得之又曰枝葉茂然後能庇其本流派
長然後能導其源余於子姓繁衍有光前烈者得之是譜之修
也祖德宗功之深厚子翼孫繩之世濟厥美具見矣

昔

大明嘉靖四十五年歲次丙寅

七世孫宗省謹撰

啓

原序三
叔季之世民生繁滋古先王氏族之官太史氏譜牒之文不勝
紀載自宋寶氏作元和姓纂後世師之故闕閔世家其族各自
爲譜藉以辨姓氏統之有宗以見本源之所自始析之有裔以
見枝葉之所由分上以啓尊祖敬宗之仁下以敦收族睦親之
誼家之托重於譜也豈淺鮮哉唐宋先哲皆作譜以遺子孫何
後世之不究心於此乎譜即不足以知世系之所自出而尊祖
之孝思置矣卓山仇氏伯錦伯寅伯英諸公慨然興尊祖之思
汲汲以修譜爲念者以是也夫卓嶼之譜勝朝耕祿公鼎立於
前雙清公續修於後圖牒詳明品式備具炳然可觀自闕氛肆

虐罹乎兵燹未免有遠隔遭亡之失且後之生者尚未登諸譜故復議爲重修之舉丁亥春余從雁蕩遊適妹夫克儼公同諸族彥挽余至宅以宗譜囑余而釐訂之已辭之再三不允顧思屬在姻戚雖甚固陋不敢復辭遂舉事公所博採遺籍旁諮老成若字初公少元公亘爲參閱余於是因舊爲新其中世系之次遷徙之由姻婭之閭閱生卒之年月無不備載合疎戚於一途貫遞邇於一轍分支析派遵歐陽氏法以五世爲一圖循其先後列其行序庶明不忤於宗支幽不論於昭穆俾百世以下稽者按譜以求而即得矣然譜固所以紀世系觀譜者亦當思紹衣也夫仇氏之先侍郎粹夫公顯於宋令尹復菴公名於元

即遷卓嶼以來前朝若耕祿公西巖公皆卓七人表追蹤接武後先光輝亦樂邑之著族也凡嗣於後者宜承厥美弗墜先聲苟或恃豐盈以逸駕而自遊溺貫朽而懸磬不之恤則債矣唐柳直清之戒諸子曰今見名門右族莫不由祖宗忠孝勤儉以得之莫不由孫子頑悖奢傲以失之成立之難如升天覆墜之易如燎毛宋范希文之告諸子曰吾吳中宗族甚衆於吾固有親疏自祖宗祀之則均一子孫固無親疎也於是均恩俸於族人置義田庄屋於吳中噫柳之戒保其身者也保其身於祖宗乎何辱范之告恤乎族者也恤乎族於祖宗乎何負令仇氏之子若孫立其身克保其身顯乎族能恤乎族則尊祖敬宗之仁

樂善氏宗譜

收族睦親之誼兩無憾矣譜成庸書以為之序

皆

大清康熙丁亥

鏡川葉景琛拜撰

樂善氏宗譜卷一
原序四
古之人有言曰天下有大賬簿如資治通鑑二十一史乃天下之賬簿也古今帝王得此簿也宰相大臣掌此簿也史官編修登此簿也治亂安危此簿之得失興衰也非獨平天下者有之即齊家者亦有之何則家之譜即家之賬簿也蓋自始祖以來雲礽相因昭穆雜沓或世遠而覲面莫識或比居而宗支無考此古之人憂自一人之身分而至於途之人也故不得已而世家譜所以不忘乎本也祖德宗功執譜而有以考貴賤壽夭執譜而有以徵此家譜之所以不可無也吾仇氏繁衍於閩上世為達官名宦者不乏矣自吟客公自閩遷台越四世至懷嶺公

原序四

古之人有言曰天下有大賬簿如資治通鑑二十一史乃天下之賬簿也古今帝王得此簿也宰相大臣掌此簿也史官編修登此簿也治亂安危此簿之得失興衰也非獨平天下者有之即齊家者亦有之何則家之譜即家之賬簿也蓋自始祖以來雲礽相因昭穆雜沓或世遠而覲面莫識或比居而宗支無考此古之人憂自一人之身分而至於途之人也故不得已而世家譜所以不忘乎本也祖德宗功執譜而有以考貴賤壽夭執譜而有以徵此家譜之所以不可無也吾仇氏繁衍於閩上世為達官名宦者不乏矣自吟客公自閩遷台越四世至懷嶺公

樂善氏宗譜卷一

又自台來樂悅卓嶼之秀遂卜居於茲土迨余先考慎初公已
十世矣舊譜之修歷年已久生者十未登一先考嘗深憂之惜
有志而未逮至於今余鬚眉亦皓然矣恐再遲延將世數混淆
宗支錯亂後來莫考是余之罪也故於丁亥春敦請太邑葉先
生重修而釐訂焉若者貴若者賤若者夭若者壽若者善多不
勝稱若者一善無可稱均得按譜而稽尚何虞世數之或紊也
歟

昔

大清康熙丁亥

十一世裔孫壹泰謹撰

原序五

余居天台花堃山之東南隅谷中有草廬數椽以採樵為生兼
採藥濟人疾苦有暇晷則涉覽圖史稔知仇氏系出九國之後
紂醜九侯其後改九為仇子孫氏之近緣吾邑中水旱海饑七
載人盡離散余負平日所探靈芝芳草遨遊四海至大荆城旅
居既久偶過卓嶼承華峰錦峰光峰逸亭諸公不棄異土寒微
禮遇頗厚往還既深談及譜牒世遠未續余請觀之見其先世
居閩之莆田簪纓赫奕宦遊台郡居下浦五世懷嶺公再遷卓
嶼蓋自秦漢以來仇氏最盛於南陽想子孫流入閩者振興於
莆田名流顯宦彬乚郁乚繼居下浦亦嘗高登甲第既遷卓嶼

而世代青衿猶濟比郡邑庠是不可謂望族乎哉閱其原序僅稱宋大夫牧之後夫牧仇仕宋當春秋之時事隔數百年之後想斯時仇氏已盛豈爲受姓分氏之始其圖錄缺略宗支紊亂當觀覽之際不勝嗟吁已而諸公議欲續修委余董其事余再三辭不獲命遂援其舊帙詳考而增輯之分爲四卷都而成集其先後世典重要務備載卷一本眉山蘇氏一月萬川式爲卷二令宗支不紊本歐陽氏五世一易爲圖令易爲檢閱作卷三再將歷代忠臣孝子義夫節婦及有嘉行之士備其實錄作卷四凡此四卷較之前修體裁義例煥然一新先賢有言爲譜之法必本於史而尤不悖於經予也學淺才疎豈足語此第念前後

後隔閡中多糾紛前後一按不無矛盾何足稱譜方今世俗不知優劣維求省費更有執拗之輩且謂修譜不如修肚竟有悖棄而不修入者茲譜告成之日予將謝歸乃進仇氏諸彥而語之曰凡家聲所由振族勢所由興總在讀書成名既讀書成名必能知大義知大義必知孝道知孝道必能尊祖敬宗此自然之理也仇氏先世縉紳林立目前少衰志不奮故也予既自傷際遇乖蹇奔走道途不獲置身霄漢之上自恨因以勉人方今

聖主初年

天台縣學教諭

太上皇綜理大政山澤之賢羣思建樹幸諸公努力飛騰併培植後起安知他日不蜚聲振采踵武前人耶予將拭目俟之

峇

大清嘉慶丁巳

天台龐鳴昂拜撰

此序係前輩李次農先生所撰多被鼠嚙百不一存故錄其名而不致妄綴其詞恐僭也且以循君子蓋闕之義耳

原序六

此序係前輩李次農先生所撰多被鼠嚙百不一存故錄其名而不致妄綴其詞恐僭也且以循君子蓋闕之義耳

大清道光庚子

此序係前輩李次農先生所撰多被鼠嚙百不一存故錄其名而不致妄綴其詞恐僭也且以循君子蓋闕之義耳

大譜重武與子

此譜前錄率九... 百不一... 其...
LIBRARY

原序七

族之有譜非徒侈家聲誇閭閻也所以教孝教悌使後人知尊
祖敬祖收族之道也粵自漢司馬遷修史記歷序世家乃知姓
氏所由出迨魏立九品尊世胄界寒士高門右族遂因之而立
譜厥後作者日繁大率各述其先人功德與其世系所自來俾
閱者因流溯源登枝尋本恍然於尊祖故敬宗敬宗故收族而
孝悌之心油然而生豈徒侈家聲誇閭閻哉乃或者遠引名賢
旁援顯宦冀炫俗人之耳目嗚呼此非何昌寓所嘆焉邇也華
耆歎夫門第之興衰亦視子孫之自立子孫才可以光宗而
耀祖子孫不才恐先世之聲名不能掩後人之庸劣况舍其祖

宗而尊敬他人之祖宗豈孝悌者而敢出此考上世系出九侯子孫避紂難改氏爲仇此亦如邗叔之後去邑爲于疎廣之孫去足爲束之意也嗣是若牧若香若璋者雖各彪炳史冊後先輝映第相去已遠世次難稽與其冒崇韜之羞何如守狄青之素閱舊譜圖錄專以始遷懷嶺公爲始祖由始祖而上追之另序五世以作源流雖屬親盡不及之法亦可以見矜慎之初心矣因而思我族自元季始遷至

本朝嘉慶丁巳中越數百年而譜凡四修不無稍虞于脫略幸前輩考核精詳猶無遺漏迄于今又四十餘年矣生齒衆而名號繁不有以紀之後將有不可考者矣此先嚴所以年在桑榆而

猶以修譜爲孜孜也本年春地山景山蕙圃諸公會諸族人議爲重修之舉敦請次農李先生主其事輔以族弟學錦而兼謀分修於升無如譜學一途升初未譜再三辭不獲命因念先嚴曾有志而未逮且喜得次農以共事遂不揣固陋同與舉事公所應公召亦以成先志也凡八越月而譜告竣非敢云盡善盡美而無影借無濫褒無承訛無意刪規模視前爲差備義例視前爲較嚴凡我族人果能親是譜而思異形同氣支殊本一之理於以啓其尊祖敬宗收族之心相率而勉於孝悌庶不負諸公修譜之盛意也乎異日者移孝可以作忠移悌可以事長用以樹績

朝廷顯榮宗祖升將拭目以俟焉是爲序

皆

大清道光庚子

十六世孫學升拜撰

此譜未竟其公族之盛也... 十六世孫學升拜撰

原序八

族之有譜譜一姓之族也溯自宗法廢而於古敬宗收族之至
意蔑如矣逮宋寶氏作元和姓纂一書而高門右族始因之立
譜是以杜氏有家譜李氏有房從譜太原王氏有家傳京兆韋
氏有族譜譜牒既作而後源流尊卑先後若揭其異有所辨而
同有所統也然則宗法既廢之後所由聯一姓之親使皆知敬
宗收族者豈不賴譜牒之存哉且夫譜之法原於史史務傳信
譜亦務傳信其不足徵信者竟弗入吾仇氏由漢迄明其間循
吏名儒及有高誼之族考諸史傳豈不能枚舉而不敢聯以爲
世系重者曰以傳信也顧傳信之道當以始遷祖爲斷而猶必

樂清氏宗譜卷一
追派於莆田亦不敢忘所自出也夫吾族始遷之祖自元季至
順四年懷嶺公由台來樂卜居於卓山之下十六世於茲矣舊
譜之作始於勝朝耕祿公於正統間仿眉山蘇氏親盡不及之
法立爲世次族訓昭垂燦然可觀嘉靖間雙清公復推而上之
泊我

朝定鼎以來一修於康熙丁亥再修於嘉慶丁巳越於今又四十
餘年矣子姓遞傳更爲繁衍不有以續之後將有遺漏而莫考
者庚子春會諸父老議爲重修之舉遂延次農李先生暨族兄
學升舉事公所節亦與校訂焉義例務取謹嚴條載必加詳核
間有行實所錄縱不失善善從長之意而濫稱虛美不敢復蹈

蓋所以重其事也抑嘗慨夫世俗之相沿而日薄至有視族
人如秦越人漠然不關肥瘠於心者孰知異形同氣支殊本一
之理乎茲譜之修其將萃一姓之親而講敬宗收族之誼乎親
是譜者孝悌之心莫不油然而生矣異日者子翼孫繩更期瞻上
世簪纓赫奕之垂起今日建樹功名之志於以黼黻

皇猷光輝前烈以仰答列祖相望之心是節之所深願也是爲敘

首

大清道光庚子

十六世孫庠生學錦謹識

樂清東鄉卓嶼下畝壇仇氏宗譜
凡例
一 族譜之作肇自漢之年表至唐高士廉定為氏族誌而姓始
明迨宋歐蘇再詳以圖傳使親疎昭穆燦然可考今仇氏譜
宗之年表以定其制按諸族誌以考其由參諸歐蘇以酌其
規衡鑑之下殆有成法焉
一 譜須當珍重藏者必逢六月出曬以防蠹腐若視為無足重
輕致後日破碎不堪合族議罰
一 譜關係極大甚有不肖者塗改添註不知世族以譜牒為憑
如可添改則有憑反為無憑矣故前用一人謄寫者今翻以

樂清東鄉卓嶼下畝壇仇氏宗譜

凡例

一 族譜之作肇自漢之年表至唐高士廉定為氏族誌而姓始
明迨宋歐蘇再詳以圖傳使親疎昭穆燦然可考今仇氏譜
宗之年表以定其制按諸族誌以考其由參諸歐蘇以酌其
規衡鑑之下殆有成法焉
一 譜須當珍重藏者必逢六月出曬以防蠹腐若視為無足重
輕致後日破碎不堪合族議罰
一 譜關係極大甚有不肖者塗改添註不知世族以譜牒為憑
如可添改則有憑反為無憑矣故前用一人謄寫者今翻以

印刷以杜添改之弊

一 典要先敕命即次以容像源流廟祠此尊親之大義而後以
及子姓

一 源流圖本眉山蘇氏一月萬川式以準喪服小記別子爲祖
繼別爲宗繼禰者爲小宗諸法一以該之并可免失系之弊
一族訓前修刪而不載今見隔度舊牒中所有言皆修身齊家
之事此至要之語故復取而錄之

一 行次合作三十四字皆係先人所定是必共相遵循一無悖
謬斯足見同族通譜之義

一 雜著詩文乃前人筆墨所遺前修未立篇目今悉爲之釐定

庶得按部就班亦以有關風教者錄之

一 公業既隸於公自應開列俾後世知所承守而充拓之無人
一 歷代系圖本廬陵歐陽氏以五世爲一紀式以准喪服小記
繼別爲宗繼禰者爲小宗法

一 實錄子在父錄中稱名父前子名也本錄則名字號並舉若

一 父在子錄稱號或稱字謂本世稱號支義亦顯然其異於顯

一 廟行序次世譜以齒序者十之六七以宗法序者十之三四

然論古先王重嫡杜亂之義則宗法爲是且便於查考故從

之

一 古者生名死諱世俗不知此義俱用諱字今正之

一圖內有名爵者必揭之以示勸也儒士秀民耆碩等亦揭之
重有德能也實錄亦同

一孝子忠臣義夫顯宦及孝婦節婦烈女貞女宜為特傳旌之
若得一二節善即附實錄

一繼子在本支但書出繼略本生詳繼支義在則然若異姓則
書某姓入義防後世忘所自出致有同姓為婚之弊故謹之

一婦人從夫夫在揭例者稱安人宜人孀人否則通以配稱以
禮聘續聞女稱續配若娶再嫁婦稱續娶

一娶再嫁婦則削其配不可配也婦而再嫁則削其氏如無人
也女而再適則削其所適不知何適也

一支圖實錄用圈存則殊歿則墨有名爵疊二儒士秀民耆碩
疊一始祖疊三並用殊

一墳墓懼世遠蹟泯或起爭端故於附祖葬者以及創始葬者
必詳誌之使後世有所查考

一出繼他姓者於其名下書出義某姓俾可歸宗若削髮為僧
者為棄宗僅書其名不入行序

樂清東鄉卓嶼仇氏宗譜

目錄

卷之一

卷一 卷一

卷一 卷一

卷一 卷一

卷一 卷一

卷一 卷一

卷一 卷一

卷一 卷一

溫州府 圖書館

WENZHOU LIBRARY

臺二書士天月

藝文雜著

卷之二

世系圖

卷之三

世系圖

卷之四

世系圖

卷之五

實錄

卷之六

實錄

卷之七

實錄

卷之八

實錄

卷之九

實錄

卷之十

實錄

雁湖求志山房主人手輯

邑序 起正西庚氏同修

十九世孫庠生允河基校

十八世孫職員明洋泰監

十八世孫國學生明棋總理


明分理

明親

十五世孫潤翰恭參



卷之十
卷之九
卷之八
卷之七
卷之六
卷之五
卷之四
卷之三
卷之二
卷之一



樂清東鄉卓嶼下畝壇仇氏宗譜卷之一

雁蕩求志山房主人手輯

邑庠生徐起正西庚氏同修

十九世孫庠生允河恭校

典要叢載 典章百代而流傳何難既 十八世孫職員明洋恭監

郡隸南陽自昔爭稱聖賢秀 十八世孫國學生明棋總理

禮常存子孫之儀型斯在規 勸畫十八世孫 明德分理

容像而孝思錫錦宜珍玉軸源遠則流堪溯宗 明槐 必能風

俗易流源溯我族倫常雖盡有行宜 十五世孫國翰恭參

國潮

十六世孫學文全恭訂

十七世孫昌銓

昌秀

十八世孫明榮

十八世孫明燦

十八世孫明燦

十八世孫明燦

十八世孫明燦

十八世孫明燦

樂清東嶽車廟

基派與開與夫... 祖業... 德... 典... 章... 郡... 天... 容... 俗... 寄...

樂清仁日定議

通議大夫戶部侍郎伯玉併林氏淑人

勅命

天承運

皇帝制曰國家稽古建官必得老成文學之士庶副簡命委任之隆咨爾戶部左侍郎伯玉發身文林登名翰苑薦更郎署克舉厥官勤勞迭著於中外清慎靡間於夕听顧丕績之久揚宜隆恩之足錫茲特進階爲通議大夫錫以誥命用昭大典恭人林氏作配君子內助良多茲特加封爲淑人祇服寵恩光榮闈內夫戶乃國家之大經而敬實行戶之良法爾尚

本先王制度之意循以

祖宗致治之規克守厥職協致中和則朕用汝胥嘉賴焉欽哉其無替其之所樂思其所惜仁孝之油然矣古聖人事死

如勅命

嘉祐二年丁酉八月十五日頒下

之人寶

樂清仁日定議

通鑑大夫

天賦

皇太子曰寶家爾古雖有必得孝親又學之士庶皆當尊

嘉祥二年百八氏十月日遊軍身又時登名號萬更德

陳事陳重勤勞於外者惟德聞於夕所願不誤之久

謝替再為之見海益有進時

册漢竟能安朕也

本先夫備費

容像

生則有容沒則有像也所以像其容也觀像因而思其居處思其笑語思其所樂思其所嗜仁孝之心油然而生矣古聖人事死如生事亡如存之深意寓於斯焉吾仇氏先世多顯官名宦容像卷軸歷代流傳每歲正旦元夕懸掛滿堂簪纓赫奕帶寫輝煌後人宜什襲珍之此即入廟思敬通墓思哀之孝感也歟



敬對人宜甘雖家之共聯人願思海匪孤思耳之掌務游漢
 翁慈神祖升嘉粉播施五具天公親得斷登晉繼德奕奕漢
 戚坐事之職務之新章書發覆蓋香對刃欲世關育詩宣香
 其笑福思其浪樂思其洵前自參子心然生矣古照人事派
 主眼育容光眼香之之通思其念世顯勞因而思其孤孤思

容爵

宋戶部左侍郎兼中書侍郎

宋戶部左侍郎兼中書侍郎



像

像讚

地官所掌財貨要津善於其職殆惟得人自公蒞任足國裕民
清心寡欲瀟灑出塵丹青妙手雅克寫真而况遺德炳炳麟麟

宋史中丞丹陽公像

宋史中丞丹陽公像



WENZHU LIBRARY

像

像讚

風霜是司雷霆不避豺狼必除雕鶚尤鶩公居此官朝野無事
瞻仰遺像拜稽再四不朽勳猷史氏載記恩在鄉鄰難忘寤寐

宋職史中丞共



WENZHOULIBRARY

公像

宋刑部尚書兼大理丞相事原陽公像



欽定四庫全書

公著 像讚

司天北斗為王喉舌職掌銓衡蹟多駿烈行品清奇高山冰雪
描容描態心難昭揭眉宇含愁孤忠未竭世世子孫瞻之涕泣

尚書兼殿丞 宋 蘇轍



蘇轍

宋江南丹
能縣合陞饒陽太守
含譚公像



輝公像

欽定四庫全書

冊六 公元一九九四年重修

城公劉像讚

銅章墨綬出宰百里繼以五馬政聲逾美親民之官詛祝易起
無疵於彼無玷於此名宦鄉賢兩地可祀我拜遺容瞻企何已

宋武進士官爲參軍沛世
公像



世公像

文事宣重元爵非難廉粹鼎甲衣冠表靈由金對著臨博亦嘗

像讚

文事宜重武備非輕魏科鼎甲亦播芳聲出參戎幕細柳屯營
烽煙熄寂寇盜震駕黎民樂業累世昇平桓匕起匕狀貌如生

宋 蘇士官 蘇士官 蘇士官

WENZHANG LIBRARY

宋翰林院學士武公像



像

像讚

錦綉填胸五經鼓吹文陳雄師武壇元帥含毫注思容猶無異
白玉樓成塵寰輒棄百尺崇詞山椒長寄後生小子曷勝翹企

宋 簡 林 詞 學 士 朝 興 公 孫

宋 溫 府 教 諭 乾 豪 公 遺 像



遺像

何氏宗譜
LIBRARY

樂善堂藏書

讚

爲民師帥領銅虎符汝南腹心京師不殊河東股肱惟賢是需
會稽郡名德化大孚留鞭歸里圖史是娛良工描畫空得皮膚

宋會稽郡太守

何本館 LIBRARY

宋鹽鐵大使吟客公遺像



像

樂善堂藏書

四一三 公元一九九四年重修

像讚

鹽曰鹹齷衆多染指其指既染貪饕何已天憫民艱生真君子
憂恤心神痛傷舉子寫生妙手備形於紙公靈有知謂吾言是

宋 鹽 齷 衆 多 染 指 其 指 既 染 貪 饕 何 已 天 憫 民 艱 生 真 君 子

元 賜 進 士

授 江 西 吉 水 縣 令 復

菴 公 遺 像



菴 公 遺 像

像讚

飽讀詩書高魁科甲午牛刀割鷄姑規法僕姑離弦神劍出匣
吉水安民治化翔洽旋賦歸來自理先業遺像攢眉憂無承之

吉水西門外

王顯

WENZHOU LIBRARY

元湖東達陽驛丞方山

遺像



遺像

像讚

傳命置郵風塵鞅掌吏隱有人天懷高朗仕時爲貧名賢稱獎
額上三紋微形悵快爲公感遇爲公題像言雖不文慰公靈爽

遠祖源流圖

水有源而後有流木有本而後有幹故紀事必提其綱豈數典
可忘厥祖考受姓之始在殷則有賢侯迨改氏之餘仕宋更傳
良佐他如漢朝循吏聲流鸞鳳之輝隋代名儒道衍河汾之緒
堂或開乎至樂家曾慶夫同居挺生蓋世世才多華胄則遙亾
難溯維莆田之繼起洵脈續而支聯况下浦之再遷尤代親而
年近爰綴成圖以備查考

一世 二世 三世 四世 五世 六世 七世

侍 郎 伯 玉

御 史 崇 益

太 守 兆 英

彥 相

聞 昭 聞 晰

鹽 場 大 使 聞 明

興 道

封 盛 憲 提

盛懋

興隆子孫居

興義子孫居

彦傑

參兆奕

兆文

崇溪

八世

元嘉

元梅

源流考

按仇氏系出仇吾氏爲夏諸侯在商封爲九國侯紂無道醜九侯其後改國爲氏至春秋時子姓蕃衍散居列國有諱牧者仕宋爲上大夫秦漢以來最盛於南陽延熹間有名香者字季智爲蒲亭長有異政拔穎川太守至隋文帝時有名璋者義闡六經而成大儒是仇氏之散見於歷代者也卓嶼一宗其先世居閩之莆田宋慶歷丙戌進士諱伯玉字粹夫號疊鼎者入翰林侍講陞戶部侍郎配林夫人生二子崇益崇溪崇溪字瑞海號元陽宋元豐間進士官至刑部尚書兼丞相事子孫仍居莆田本支祖崇益公字瑞顯號丹陽熙寧癸丑進士官爲御史中丞

配李夫人生子三兆英兆奕兆文兆奕字沛世宋政和間由武
科進士官參軍子孫仍居閩兆文字沛武宋宣和間進士官至
學士子孫仍居閩之蒲田本支祖兆英公字沛俊號含輝由江
南丹徒縣令陞饒陽太守配呂宜人生二子長彥相次彥傑彥
傑字乾豪宋紹興官温州府教諭子孫仍居閩之蒲田本支祖
彥相公字乾會號合坡配張氏生三子長聞昭次聞晰幼聞明
聞昭字庸穆遷居四明至今聚族於彼聞晰字庸哲官至會稽
郡太守遂居其鄉而聚族本支祖聞明公字庸獻號吟客宋嘉
泰間爲台郡鹽鐵大使遂居下浦配王安人生三子長興道次
興隆幼興義興隆字子阜子孫原居黃邑下浦本支祖興道公

字子達配張氏生二子長盛憲次盛懋盛懋字亦德生一子諱
仲文仲文公生三子長元善次元喜子孫仍居下浦本支祖盛
憲公字亦臺號崑山晚年因子貴誥封文林郎配誥封胡太宜
人生一子諱仲中字太原號復菴元大德辛丑進士延佑乙卯
授江西吉水縣令配王孺人生二子元嘉字迎祥子孫不知所
往本支祖元梅公元至元四年遷居卓嶼詳見實錄

源流實錄

兌三諱伯玉字粹夫號疊鼎生於宋祥符乙卯八月廿八子時
慶歷丙戌進士官翰林院侍講陞戶部侍郎配林夫人生於
天禧戊午十月廿四午時卒失合葬眠牛山之陽

平四諱崇益字瑞顯號丹陽 疊鼎公長子生於康定庚寅四月

初八辰時宋熙寧癸丑進士官爲御史中丞因臺諫不行遂致

仕 配李夫人生於慶歷壬午四月十七申時卒失 合葬虎

崇嶺脚

平五諱崇溪字瑞海號元陽 疊鼎公幼子宋元豐間進士官爲

刑部尚書兼丞相事

安四諱兆英字沛俊號含輝 丹陽公長子生於熙寧壬子正月

廿六申時官爲江南丹徒縣令陞饒陽太守 配呂恭人

合葬會陽嶺西

安五諱兆奕字沛世 丹陽公次子宋政和間由武科進士官爲

參軍

安六諱兆文字沛武 丹陽公幼子宋宣和間進士官至翰林學

士 十朝元大嶺辛丑 蘇士 蘇士 蘇士 蘇士 蘇士 蘇士 蘇士 蘇士 蘇士 蘇士

吉八諱彥相字乾會號合坡 含輝公長子生於崇寧癸未三月

廿七日時 配張氏生於大觀丁亥四月廿五戌時卒失

合葬木里平原山脚

吉九諱彥傑字乾豪含輝公次子宋紹興間温州府教諭 平

慶三諱聞昭字庸穆 合坡公長子遷居四明坐卒 慶

慶四諱聞晰字庸哲 合坡公次子官爲會稽太守遂居會稽

慶五諱聞明字庸猷號吟客 合坡公幼子生於紹興壬申四月



卓岐下岐坦两村区域图

图例	———	村界线	▨	住宅区	0 100 200 300 M
	———	公路	○	水亭站	
例	———	小路	△	耕地	1:10000
	+++++	小防洪堤	○	果园	
	+++++	堰坝	○	林区	

仇近雄绘制
一九九三年十月

四年重

兹特 麗發 溪爲 築二 港合 家乔 乔西 然而 宗三

嶼壇地圖

居址考

卓嶼位居樂清東鄉雁蕩山之東外谷距縣治百里元順宗三年戊寅吾祖元梅公自黃巖下浦始遷於卓嶼因嶼之卓然而立以名也其東爲避水嶺南爲前畚孔西爲攔湖嶼與西畚西爲打鐵巷與槐壇西北爲香山堂北爲馬嶼畚東北爲馬家畚朝拱仙巖與五峰羣山挺秀山下出泉匯衆壑之水爲南港台北港之水爲雙粘溪東流而下則爲殿前湖下年潭由此築二埭以引水吾村上下圳兩洋之田賴以灌溉再下則爲長溪爲白潭繞流村北水深魚肥漁人從此獲利論者謂山川秀麗發祥有自焉嗣是椒聊遠條日益繁衍望衡對宇烟火相連茲特

掛... 中堂十三架... 十八間... 中... 二間... 海

廟

五... 三... 兩... 山... 廟... 三... 廟... 四

封

廟之基業皆不... 不... 對... 合... 氣... 蓋... 目... 以... 示... 衣... 來

祭... 距... 數... 里... 拜... 祭... 不... 便... 乃... 分... 建... 於... 斯... 計... 正... 殿... 三... 間... 有... 二... 翼

坐... 東... 朝... 西... 環... 山... 繞... 水... 風... 景... 清... 幽... 廟... 前... 古... 樟... 二... 株... 其... 大... 合... 抱... 濃

廟

龍首廟在避水嶺龍頭山之西麓始仇氏先世與上洋合廟而

祭... 因... 路... 距... 數... 里... 拜... 祭... 不... 便... 乃... 分... 建... 於... 斯... 計... 正... 殿... 三... 間... 有... 二... 翼

坐... 東... 朝... 西... 環... 山... 繞... 水... 風... 景... 清... 幽... 廟... 前... 古... 樟... 二... 株... 其... 大... 合... 抱... 濃

陰... 蔽... 日... 廟... 之... 北... 首... 牆... 外... 曾... 建... 迴... 龍... 庵... 因... 遭... 回... 祿... 遺... 址... 尚... 存

福... 順... 壇... 在... 卓... 嶼... 下... 殿... 為... 南... 陽... 真... 人... 茂... 端... 公... 所... 創... 建... 初... 僅... 矮... 屋... 三

楹... 規... 模... 簡... 陋... 迨... 清... 光... 緒... 十... 三... 年... 其... 後... 裔... 盧... 宗... 盧... 蓀... 等... 集... 資... 庀

材... 拓... 基... 擴... 構... 廟... 貌... 巍... 峨... 煥... 然... 可... 觀... 計... 正... 屋... 五... 間... 兩... 廡... 各... 二... 間

前... 進... 五... 間... 坐... 南... 朝... 北... 中... 塑... 公... 之... 祖... 師... 玄... 天... 上... 帝... 等... 旁... 塑... 公... 之

神... 像... 鄉... 人... 往... 乞... 就... 壇... 祈... 禱... 有... 求... 必... 應... 香... 火... 綿... 乜... 不... 絕

新... 廟... 在... 下... 嶼... 坦... 溪... 裏... 後... 山... 上... 計... 屋... 三... 間... 坐... 東... 朝... 西... 廟... 前... 有... 屏... 風

路亭三間在龍首廟前民國十二年二月卓嶼仇思生出賞創
造中立泗洲大聖一尊烈日大雨往來過客得以少駐行旌
如遇風雨飄搖通知伊家子孫修整其經費概由源豐業負
擔責任公共物業理應同相保存毋得損壞孟子所謂守望
相助之遺意也

仇氏大宗祠記

先王報本追遠之意不外乎宗後人奉先思孝之志莫大乎祠
吾族下畝壇大宗祠實建設於民國二年當時總經理雲卿同
賜谷芹川蕭文偕學香學肖心玉昌坤明林春桂等秋分日咸
集山谷坑看衆山內有大柏幾枝山地數處被人佔管雙方招
集理論不決後經中人宋桂軒調解勸息得洋五十元衆山賣
洋壹佰柒拾元聚和衆補助數百元相基購址使工求木落成
後進五間左右橫廂四間穿堂戲臺三間前進五間道地一片
大四三老房丁錢照抖統計建造費千餘圓尚有出外寒酸丁
錢佰餘圓未曾挾清是總經理墊補其人敦本睦族之心特

樂善好施

造穿堂戲臺兩廡及前進統計三十間思生先生等樂助木材
銀洋明遠君經理而輔助之越數年而告竣陡被颶風摧壞椽
瓦棟宇崩頽萬不得已思生先生暨芹川朗軒明遠諸君將大
清明暫行停辦抽田貳畝壹角零每歲秋分將田之生息出典
其洋歸爲修理之需所幸近年風雨時若祠宇無恙剩下典價
放債取息有簿可稽使後人經理勿替爰誌數語以昭來茲云
光緒三十三年歲次丁未季冬之吉不文其壽謹識
章輝同邑廩生王會宸頓首拜撰

族訓八則

按此八則係五世祖庠士耕祿公所著言七錦繡字字珠璣
洵修身齊家之要語幸後世子孫座右箴之毋作閑文覽庶
無負垂訓之苦心云爾

孝親訓

詩有之欲報之德昊天罔極孝豈易言只是人子所當盡所能
盡者而盡之抑亦可矣飲食衣服皆所必需奚獨父母但存得
父母宜先宜厚之心便自無好私積溺妻子種乚不勝說諸惡
弊且最要下氣怡色柔聲聖人所以說色難忤逆之子桀悍之
婦一聲暴吼父母膽寒毋寧凍死餓死豈尚欲求衣問食耶試

樂清伏以定言卷一
思他日自己有子若亦如此我何堪簪頭之水點匕不差是可鑒也且更有父老而鰥母少而寡一種憂鬱之意更宜體貼朝夕在旁細心承事得其歡心乃可大凡孝子一點和順氣色與天地鬼神相感通無弗庇佑觀之於舜可知無論他事即其子孫之蕃衍專以陳之一姓言到處皆是豈非造物所以報之自古顯榮之人無不自孝起我族人其念之

無敬長訓之苦云爾

孩提少長無不知敬其兄豈至成人之後反或忘之大都爲私欲錮蔽或因貨財之爭或聽妻子之說少則釁起鬩牆甚至戈操同室其始總起不敬惟敬則愛必思斯人皆我父母所生父母愛之亦猶愛我豈得不體父母之愛以愛之惟敬則讓試思凡物去可復來兄弟一失不能再得念及此則貨財爲賤兄弟爲貴妻子爲輕兄弟爲重矣凡事安得不讓況敬長與慈幼同出一心豈有事長不敬而能友愛諸弟者乎且弟敬兄兄亦必還敬弟家庭之間交相敬則交相愛交相愛則交相讓無論爭財爭氣事所必無即聲色之間何至稍形不睦是太和之氣藹於門內不惟數世可無分異即至十世百世無難矣

完餉訓

在家先孝敬在國先忠順爲上爲忠臣爲下爲順民朱子亦云國課早完非僅爲有餘者言也即或貧窘之甚仍爲荒糧滯稅

所累然一念公庭錐楚之慘辱追呼規例之苛求則雖無衣無食亦必先完此項治家急務無踰於此凡人作事總在於心心謂可緩則緩之心謂當急雖他事俱急亦必於此尤急者急之試思稍一緩鍊上頸杖至腿枷至肩而不釋況於正額之外又加雜費何樂爲此我若早完雖忍饑忍寒耳聽東鄰西舍催拘逼迫雞犬不寧而我幸得逍遙事外與神仙何異大約歲首問居即宜將糧餉會計或陳或新取何項之財急以完納然後及於他用至既完於之後單串尤宜小心謹藏毋至失於水火以防後患此尤至囑

立品訓

俗語云人品關係此語人只說於口並未省於心吾人處世不患無財最患無品人但知無財不可以治生不知無品之不可以治生爲尤甚夫苟略知禮義廉恥何至竊人財匿人物至爲盜賊之事或與人交財機械變詳行起詭道得利肥己或他人有事適經我手於其中設計詭取極力彌縫使兩皆不知一旦敗露面目何存己雖恬然不以爲意人知之自必輕我縱遇仁人君子不忍面斥此後亦必謹防且旁觀知其事者未必默已鄉間聞之俱惡其爲人不與同事所謂人窮非是窮路窮纔是窮大抵人品尤重交財帛分明大丈夫不論多寡凡非應得之財即一絲半粟皆足以喪心而取辱故凡作事隨大隨小總要

光明正大便是真人品

尊祖訓

萬物本乎天人本乎祖祖豈可不尊欲尊祖者宜虔修祀事古先王四時之祭祠禴烝嘗今士庶之家仿而行之大約二三分而已二分至必不可少此外如正旦寒食端陽中元重九除夕諸大節不必拘禮儀之豐腆宋時李邑王文忠公家訓中言最詳悉吾族徙此至予僅止五世規丁僅止百奇不能取法備禮然後有賢子孫當知此是大事不可疎忽

睦族訓

古人言九族夫自己身而上族四自己身而下族四其人亦甚

衆睦之道大約吉則慶凶則弔疾病相扶持災難必恤貧乏必周至於婚姻死喪之不能舉者尤宜共相酌助又有子弟無力讀書以及赴試者亦如之此敦睦之至道幸我子孫及合族子姓當思先世本是一人如木千枝萬幹本乎一根豈可外視故知睦族者敬宗尊祖之孝思即在其中矣

修祠訓

春秋修其祖廟也乃列祖神靈所依最宜留心修之掃除其殿宇黜亞其垣墉使廟貌常新上以妥先靈下以肅觀瞻俾入廟者咸知起敬并可防圯壞難修之弊今人因自己屋窄每將雜物搬運祠內不知己欲寬祖宗獨喜隘乎己欲潔祖宗不嫌穢

乎萬一朽物生蠹祠宇被蝕一旦傾折始議重修將鳩工構材連年需費不亦難乎吾願爲子孫者及早預防時加整葺焉可

省墓訓

墳墓爲先人厝骨之場子孫與之一氣相通豈容不留心謹守古先王設塚人今士庶之家豈可妄擬然若建得墓菴質人居住即有典守責成顧非有財力者不能辦至於蔭木尤墳墓最要之物斷不可少墳墓有蔭木登穴即有森秀之象故宜擇長青之木而植之更宜隔數丈外植之免致根在穴內即或風傷亦無損墓壙我子孫及族人須切記之

歷代行次

行若雁排穆承昭而昭復承穆次如魚貫前啓後而後不妨前故例殊父子之班尊卑豈容或亂而序在弟兄之列長幼何嫌從同上以昭辨分聯情之意下以立干名犯義之防是用歷爲編載庶幾代可詳明矣

世紀 名行 表行 廟行

第一世 元 迎 金

第二世 子 甫 木

第三世 性 貴 水

第四世 存 君 火

第五世 從 懷 土

第六世 緣 崇 宮

第七世 宗 夫 商

第八世 世 大 角

第九世 朝 原 微

第十世 廷 克 羽

第十一世 壹 伯 天

第十二世 賢 茂 地

第十三世 良 慶 日

第十四世 士 汝 顯 月

十五世 國 正 文 星

十六世 學 成 辰

十七世 昌 思 風

十八世 明 孔 雨

十九世 允 孟 露

二十世 心 仲 雷

廿一世 德 叔 霜

廿二世 保 錫 雪

廿三世 瑞 其 智

廿四世 光 祥 仁

WENZHO LIBRARY

風拜易進帝後靈應顯祖豆光前業
下浦分... 世代長令得年米慎宿

霜及清明離殘骨肉公侯裔論定忠
雪從台發派有管續帶楚魏武無他

十四世壽瑞士光

廿五世 達 尚 禮

廿六世 道 用 義

廿七世 通 希 中

廿八世 嘉 可 和

廿九世 立 則 孝

三十世 載 啓 友

三十一世 修 發 睦

三十二世 維 聿 姻

三十三世 景 傳 任

三十四世 安 芳 卹

藝文雜著

元朝謁祠

五辛盤饌和椒漿
昭穆分班拜粉廊
裕後靈應憑俎豆
光前業
幸守冠裳莆田播
徙春秋遠下浦
分遷世代長
爭得年來償宿願
桂花香謝杏花香

寒食掃墓

松柏陰虓覆古塋
年年拜掃及清明
醴殘骨肉公侯裔
論定忠臣奕祀榮
自福分遷高甲第
從台發派有簪纓
卻慙繩武無他技
猶有如椽筆肆橫

新修宗譜詩以誌喜

十四世裔孫士光



朝匕暮匕思修譜歲年年譜不修幸得先靈陰祐祐半生志願喜全酬

修譜從來關係重俗人偏欲作輕看百年一旦功成就泉府陰

靈亦喜歡

宗派素潛名表犯外遷丁口漸俱忘如今始得知真的卓嶼宗

支共贊揚

敬從遠地請名師處處留心合禮儀後世子孫能學我族中大

事不難為

三十代傳揚
慶文勳

大事記

宋嘉熙二年戊戌始祖慶五府君由福建遷居台州下浦清

開慶五年戊午封君祥三諱成憲府君生去乃潛心徐登

帝尚祥興立戊寅令尹府君仲中生

元大德五年辛丑令尹府君由浙江鄉薦登進士

武宗至大元年己酉始遷卓嶼位三府君生

延祐二年乙卯令尹府君授江西吉水令

至治二年壬戌封君祥三府君卒以子貴誥贈文林郎

配胡氏贈太宜人令尹府君致歸守制

文宗至順元年庚午令尹府君卒

至順四年癸酉 始遷祖位三府君來樂清教學於開口

至順五年甲戌 始遷祖贅鄢氏

元順宗二年丁丑 二世祖承事府君生

順宗三年戊寅 始遷祖析居卓嶼遂立族於斯

明正統丁卯年 卓嶼宗譜立

嘉靖三十年壬子倭虜黃巖熾民房官舍海寇擾本邑地方

禧十六府君全子世勗仗劍舉義子世勗遇害公率衆奮勇

進寇退

宋嘉靖四十五年丙寅宗譜重修

茂端公碑記

公諱賢甫號章菴茂端其字世稱爲南陽真人者也誕于清順治癸巳五年八月自少習舉子業未就輒棄去乃潛心徐登趙炳之術後得太邑某道人遺書精加探討遂洞悉玄妙之理名聞州郡當時災厄之家請其祈禳者靡不神驗康熙四十四年本縣教諭金公樟女中妖氛致病公以符籙治之尋愈金公感其術之神旋以鳳翔金鼎額其門太邑孝廉翁蕃穉家有怪物爲祟禍彌數月以幣來聘公往仗劍以驅之遂無患焉酬以匾額題云龍光射斗後又有蔣埴徐京哲二邑侯亦各贈以匾額一題云豪光射斗一題云風高壺隱蓋以公之道法確有微

驗於世故人之信仰於公亦篤公既逝後人追思其德爲建壇立像以祀之迄今四方人士咸來崇拜者宛然見公如生也先是世俗惑於叢辰家言凡有喪葬事必諷吉日否則謂犯煞忌將罹災禍故死者有延旬日斂而不殯其弊孔深公不忍孝子仁人之用心乃諭諸族人有喪不必涓吉如附身之物已備即可隨時安厝鄉里遵之傳至今日皆安然無恙噫此千百年來相承之習俗舉世莫考諱公特起而革除之蓋古之所謂法施於民則祀之者是誠於公不可以已也吁玄學自張子房數傳以後一變爲符咒之法以愚民如吾越爲尤甚致有越巫吹角之風有識者嗟焉然公之道法確而有徵無非至誠感神也其

殆赤松黃石者流歟彼五斗米輩不得與之同日論也

中華民國十五年歲次丙寅冬十一月

吉旦

八六日大壽小

序

白沙後人陳 禧謹撰

屬大聖人六士耳應以理解深微聲入心通也凡人氣血通關辦事無間。年及六十其此兒孫皆皆顯道。其父執事者。窮心冥。始花柳梅毒。須行步。或或。及耳。問何。翁。面笑已乃。家。也。世。達高。下。皆。力。性。友。父。出。道。有。疾。不。或。同。子。遊。三。二。父。孔。道。人。日。用。文。

腴盈頃營華構諸孫繞膝逍遙巷陌衆稱地行仙噫如翁者

未敢言聖亦豈凡乎哉命譽若槁木翁聰於師曠又採鄉諸

善者之好願言什伯花甲爲世楷模故序其略如此

嘉慶歲柔兆困敦仲冬之月吉日庚午

天台歲進士候補訓導八十二老人通家弟兩田龐鳴昂撰

逸亭六句壽聯

六十歲出良幾欲留國賦 逸亭身東嶽

舞身成大廈華鄉杖

以眼睜翁壽幾人心 斷出凡人疑豈學國

子耀贊官暢壽杯

庶民頌歲進士候選訓導通家弟兩田龐鳴昂頓首拜撰

逸亭公七旬壽聯

海屋籌添逾甲子

華堂觴晉祝庚年

陶然終日坦無憂屈指國學生表姪章蓋雄頓首拜撰

字是贈賦朝松野樂家聲足室老分香萬歲聯說隨仙無別

語卻將陰陽地兒孫

太嶽本是地行仙何意騎箕上九天豈是真家處上虛故從塵

世召名賢喬松枝折羅何附樹影疎月亦穿闥始來同執

綉梅教遺語未親傳

歐陽文忠公集卷之九十一
宋歐陽文忠公集卷之九十一
若君之好與百什梅花甲為世惜模故序其略如此
蓋慶慶柔死困教仲冬之月吉日庚午

天台處進士候補調舉八十二老人通家乘雨田應鳴出撰

逸亭大旬壽

身成大度華輝杖

子耀發官楊壽林

國學士張致章蓋誠帥首拜

華堂進晉壽

國學士張致章蓋誠帥首拜

逸亭風雅



LIBRARY

恭輓

鳴呼 逸亭仇老太翁大人詩四首 厚有慨乎其言之者

陶然終日坦無憂屈指遐齡八十秋處世一生惟直道憑天兩
字是貽謀劇松貯藥療皸足烹茗分香潤渴喉聽說臨仙無別
語卻將陰隲勉兒修

太翁本是地行仙何意騎箕上九天豈是廣寒虛上座故從塵
世召名賢喬松枝折蘿何附椿樹影疎月亦穿聞訃始來同執
紼悔教遺語未親傳

後設餘惟如馬季長為入其門者不乏鄭元盧植輩而先生儉
養已勤謀則與季長異甚至筆墨風空短揭穿結不礙風日

續書為無備未歸時

世皆不實齊詩詩世難同情辨與深疑且衣衣開骨似來同將
太餘本且賦詩曲同意觀其士武天豈豈風寒氣士惠姑翁顯
補略微刻刻賦只給

半且傾補編外領藥難難以家其世骨既補抑難補難補難補
調然發且且無其風港港港港人水海海世一坐謝宜重響天調

蘇亭山李士宗人人新四首

蘇詩



秋崖先生傳

嗚呼士窮乃見節義昔韓退之之手柳子厚有慨乎其言之者
必用此為務輓近世塗民耳目則幾無覩矣然于僻壤之中寒
素之內其節著而其義猶有可嘉者吾得一人焉曰仇秋崖先
生先生名學錦榜名大鏞秋崖是其號自幼以好學聞家貧不
能出就外傳時余伯祖徐仙苑先生尤深器之以先生不性學
輒謝不設教先生因友有冉求與粟而步從之遊如是者數年
學遂成年十九冠童試入邑庠年廿四列高等食廩寬嗣是以
後設絳帳如馬季長焉入其門者不乏鄭元盧植輩而先生儉
養已勤課徒則與季長異甚至簞瓢屢空短褐穿結不蔽風日

晏如也人或勸以經營別可謀生而先生則謂贖而生不如夷而死是先生之節也卓嶼一帶百數十戶舊爲架書所苦三年兩造冊兩造倍收錢習以爲常先生獨斥之減其冊費之繁擬同帑藏之計積之成衆名曰聚和購都分租轎行俾有營鄭之易田秦晉之締婚無稍或阻都人士賴之以迄于今齒論弗衰日碑弗絕者是先生之義也嗟乎卓嶼仇氏爲南北兩港之一大族以殷富而論先生非其人也以功名而言先生非所獨也獨至於窮困之中以節著且能以義顯韓退之所瞻慕乎柳子厚者偏於先生能且暮遇也余雖不獲親先生之人竊嘗幸先生之行而樂爲都人士道也于是乎書

昔泉公傳

皇清光緒三十三年歲次丁未秋月 穀旦至英吉利法蘭西

德意志輪船來往金邑庠生後學西庚徐起正頓首拜撰

以起家若此者吾見之于香泉公爲公本邑卓嶼人也名清
守思極香泉是其體公行年九歲感父昆背孤苦撫養賴母氏
存性純良寡言謹出處外傳入館內則聲誦之爭奈家貧不
永所事年十三習生理府稅貿易頗得便宜年十六列肆居賣
利故有性如雷傳聲勒佛十月賣麥兩六月火爐亦見其益
而不覺其貴也由是積蓄兩貫有莊三店齊開萬商讚集卓嶼
之地不特其富而其節之亮生感之興感其德之實不虛

過也然後購顏子負郭之田數十畝築宣王斯干之室數十楹
一時聲名甚噪惜天不永年公卒于滬而懸遷之素志不終嗟
乎英法德不過外夷一小島耳自通商之後凡我中國最着名
之碼頭如天津如香港如廈門如申江如漢口無不星羅棋布
銀積金堆奪我利權佔我利藪至我中國債外債者以四百兆
聞假令天錫公純嘏退厥所長將見以端木之貨殖不韋之居
奇直視英法德蔑如矣何至沾潤丐餘而僅以卓嶼終哉余
與公生平無半面之識何能以公之所爲而亂縷而陳然公長
君復初先生與余有葦葭親聆其所述得悉梗概故不揣禱味
敢爲之傳以告來者

昔

光緒三十三年歲次丁未吉旦也

屢受公例授文林郎歲貢生候選訓導眷晚蔣之炯拜撰

剛直有大志遇事勇爲動而失怙成童理家國家務煩瑣未
蒙樂一切眼淚每情人記即被人欺公乃奮然發憤奮新官議
艱苦備嘗壯歲習經選術廣產日益厚公長子獲輝尤克代
公勞家務稍暇輒營公務余鄉東有田百餘畝將歸西澤水以
灌澤者也澤深流急堤築難輒自懸甌以來修築者不一其
理者不一人旋築旋壞平無成績公乃焦心殫慮且七明澤日
日督來相其上下因勢利導原泉使七不絕成渠至今閘下

一詩聲名其後皆天不冰年公卒年而歷道之家
平其法不遠外矣一小島耳自遠而之凡我中國
之碼頭如天津如香港如廈門如申江如漢口無不
銀積金權奪我利權佔我利權至我中國領外資者
間假令天賜公疏選厥所長將見以鑄木之費不
者直視英法德俄如矣何至詰問丐跡而僅以卓
與公生時雖英法德俄更迭勢弱事變劇烈我露公
始雖則枕玉環金帶未嘗不吉且言其是梗概故不
敢爲世傳以告

昌盛公行略

公名昌盛字思懋號遐齡余族叔公也今春余從公有三日遊
屢受公教并聞父老傳言於是余始知公生平之梗概焉公性
剛直有大志遇事勇爲幼而失怙成童理家因家務煩瑣未入
蒙塾一切眼款每倩人記即被人欺公乃奮然發憤晝耕宵讀
艱苦備嘗迨壯歲習懋遷術積產日益厚公長子濼卿尤克代
公勞家務稍暇輒營公務余鄉東有田百餘畝藉鄉西潭水以
灌漑者也潭深流急堤築維艱自懇種以來修築者不一次經
理者不一人旋築旋壞卒無成績公乃焦心殫慮且匕鳴鐸日
日督衆相其上下因勢利導原泉滾匕不絕成渠至今四十餘

年種是田者免旱乾患年穀倍收一勞永逸變磽為肥此公之
利澤施諸鄉里者直較趙充國屯田之功無多讓焉余不文約
舉公大節一二端若此至於廢天保之章誦偕老之句咏麟趾
之篇此公昔年七十壽蔗湖陳子芬先生已敘之詳矣故不敢
再贅

皆

光緒三十三年歲次丁未 穀旦 族姪孫邑庠生漣清超頓首拜撰

昌盛公壽序

恭祝大德望遐齡太親翁仇老大人暨德配大闡範太親母陳
太孺人七旬雙壽榮慶序嘗讀書洪範篇嚮用五福一曰壽詩
三百篇言壽者屢見如眉壽無有害以介眉壽俾爾壽而富是
也若夫衛之風執子之手與子偕老鄭之風宜言飲酒與子偕
老又為今日雙壽之濫觴善夫董膠西之言曰壽者疇也自行
可久之道者其壽疇於久是歲之夏翁與孺人七旬誕辰戚友
謀所以稱觴之具問序于予予與翁誼屬重親且知翁生平行
事甚悉不可以不文辭爰拜手稽首而為之序曰翁抱冲而行
和存仁而樹厚幼即穎異質性兼人徒以家無擔石非操奇計

樂清侯曰定論卷一
贏不足以資事畜于是舍名場而馳利藪天時贏細每善居奇
物價低昂億則屢中用能居積致富性樂善好施自奉雖甚儉
臨大義千金不吝以視世之能積而不能散者有間焉鄉里有
公舉得翁爲之提倡則事無不就所居龍皮岙當南北大水之
衝近數歲以來益被橫決田園蕩爲砂石民間廬舍幾不保翁
不惜重資築堤以爲之障不已又增卑倍薄以擁護之居民恃
以無恐他如建橋梁修道路濟人之急扶人之困種仁善行不
可枚舉太孺人尤明大義遇事皆贊成之真所稱內助之賢方
之古人舉案齊眉何多讓焉語云積善之家必餘慶翁積德
累行卓也久如是天必生賢子孫以光大其門哲嗣法卿

昆季後先濟美克恢前業有先意承志之休繞膝諸孫蟬聯鶴
起寢熾寢昌方興未艾一堂之上融也洩也其樂何如吾知範
之嚮用頌之眉壽風之偕老非翁莫屬矣而予特竊附于封人
之祝行見自此以往而八十而九十而百歲耄耋期頤可坐而
待如此誠所謂疇于久者歟翁與太孺人其更進一觴

皆維

光緒三十有二年歲次丙午夏月 穀旦

邑廩生眷晚陳永清頓首拜撰

且世俗至今日感賦係之矣。紈袴之子弟，縉紳之門第，設一席延一賓，動以鴉片馬刀爲倒屣投轄之圈，賊仁賊義莫此爲甚。公家獨無染而男女內位無不正，而保家可于此見其概矣。先是其族有廩生學錦公者，減架書之費爲儲積之計，立一聚和衆以濟族所不給者，中道崩殂，散無友紀，公承其後而經理之。整頓之購，都分租，輻行凡戶收婚娶無稍阻礙者。學錦公之功善爲創而公之身善爲繼也。又有森祭衆者，亦公爲計，相利數倍于前，雖積款未至如聚和衆陸百元之巨，而睦族之端倪實由是二者而大彰明較著也。嗚呼！大丈夫處世雖不能鵬搏萬里，上拿雲霄，而在桑梓之區，居生長之地，能睦族能保家是

亦足矣。如必沾匕焉，繩以報國爲也。晚近世曾有幾人哉！現公年逾花甲，恩授職員，邦家光耶，閭里榮耶，吾得珥筆而書之者，惟其實易之術與夫理財之法。上而充精，此所以爲先人

者

皇清光緒三十三年歲次丁未四月 穀旦

黃巖邑增生通家晚芹生楊文言頓首拜撰

孔道東西鄉之要衝，彼番漢雜行人，雜色君酋，然曰大丈夫當知所責，善吾實也。財帛虛外物耳，豈可效守錢奴而懷其所寶哉！即出資任司，實達步打鄉人，移其廉勇，亦各出資而玉成焉。又有龍宮廟者，係仇氏一方之保障也，相傳既久，日形廣聚，公

亦爲之首董其事重整變革迄今亦告成焉公之舉非要譽也
非求福也實能窺破世勢而實其所實也其他善行不勝枚舉
茲特略附行實以俟後之人有所考焉

昔

光緒三十三年歲次丁未 穀旦 刻與言二大

千 黃邑增生通家弟芹生楊文言拜撰

醫婦之繪 哀自立基 不獲十 而家 且富 醫風 十

因醫其 貴長之 講與夫 照根之 揚其 工而 飲辭 世祖 以承 決人

孫 公 國 將 年 其 醫 術 精 妙 藥 到 病 除 人 世 其 交 出 以 重 其 醫 出

歲貢生子澄公傳

府君諱學陞字成允榜名濟清號子澄別號愚溪邑之卓嶼人
余之外曾叔祖也少好學於嘉慶二十年三月入學出汪瑟庵
學使門二十二年李學使宗昉器其才補食邑 道光二十年
充庚子歲貢二十六年授職時年僅四旬乃性喜利濟以學爲
官爲無用不足以展其才慨然曰大丈夫救世爲心安能辭匕
居冷署乎因專心岐黃製活人方遠近就診者牘至嘗有臥病
累月不愈忽而如癡爲夢聽二豎子相謂曰良醫至鄰村過吾
門吾不避恐無瞋類醒以告其家尋至鄰村果遇府君一藥即
愈人咸稱爲和緩再世晚歲精神矍鑠壽九十餘厥後傳其術

者爲嫡侄孫賜谷翼雲二先生孫兆熊入右庠曾孫漸鴻中己丑科武榜俱以武藝有名於時論曰上醫七國中醫七人中國數百年來剝民膏瘞民脂以至今日內病既深外感又來英日俄法德協以謀我醫國者誰乎惟君醫人之名永垂不朽殆所謂今日之上醫乎

光緒丁未臘月上旬

樂清視學兼勸學所總董外曾姪孫歲貢生曹文昇拜撰

余於曾孫君心誠學氣謙劉五十年三月八日出世慈訓

恭祝

夢九仇大封翁老先生七十晉三暨

德配例贈孺人李太孺人六旬壽序

苞符啓秘壽筵先第九之疇元象垂精壽星耿正東之次由來

上瑞允屬大年矧乃福德兼優麻祥備集衣冠鼎盛人稱蕭氏

門庭才藻聯翩世羨謝家昆季賦鴛鴦而受祿偶爾神僊穀士

女以延釐從以孫子如

夢九封翁先生特有可言者焉先生涵醇古之冲質恢宏遠之遠模自其先尊人早歲棄捐而先生遂任事焉楹書能讀願責諸季以成名堂構須成難貸一身之作督米鹽勞其料理

門戶藉以撐支支細爲憂 据奚免謂史公傳貨殖端木氏且
著篇於少伯號陶朱鷗夷子固聞其術遂乃覃精瑤琢潤跡闔
闔占金木之飢穰資暑寒之裘葛因而百物充羨十倍得贏紛
綸姘女之錢絡繹蚩氓之布屯邱聚藪溢篋盈箱而其仲弟舉
山先生則類官以補增而充貢其季弟褰一先生則騰陞上舍
以入肆而須銓蓋 先生之志以酬而 先生之願克遂也既
而析居各立讓產相高根移植而彌長流分疏而益盛椒實衍
其子姓竹苞廠其堂基而 先生約束咸宜紀綱得理仰有拾
而俯有取出以制而入以經馬牛之蹄躐盈千僮僕之手指累
百方諸曹澤之世業卓鄭之羨賞豈有忝歟且夫穀飛爲蠱錢

古成妖而好之成癖者或以障籠見讖蘊以生孽者不聞指困
有贈 先生居盈善下守福不虧約束自珍慷慨相許杜子美
萬間之廈士所賴以庇身劉善明百頃之田人皆資爲續命鄰
是緯蕭河上哀分澗鮒之波村連漂擗江頭施有不龜之藥譬
諸建木依景千尋如彼河流蒸潤十里與夫一毛罕落半粟不
輸者其相去爲何如耶故論者謂 先生身命以財帛爲官子
弟多文昌值舍長嗣君協和振英早歲奉蔭華年何武居諸生
有名邵誥爲秀才第一世和著名太學次敦和噪譽右庠次履
和能探豹略之奇克奮鷹揚之迹次明暉曠昱青錢待選美璧
雙成孫戴恩則強臺踵武錦標已奪自妙年允康允良允武允

美則藝苑爭芳縹緲能守其舊業曾孫心鏡心田心耕又復蘭
芽挺秀珠彩流輝榮恰聚其一門慶已餘夫四世準諸陰騰宜
也非倖也德配李太孺人綱直表躬莊姝協度羌明詩而習禮
實窈容而窈心內職克勤藻蘋潔敬外言不入綦縞昭儀其德
如鷓鴣之均宜上宜下先占協鳳凰之吉曰大曰盈固宜寶樹
分行萃階庭之佳氣朱絲在御召桐棧之休和已羨馨馨久聞
古型夙企琴書作客幸親樸素家風文定交益重吉祥門第時
則春陽應律韶景迎新值祥弧綵輓之懸集子幹孫枝之美愧
無采筆比絢斑衣試斟瑤觴添芳綺席堂開竹嶼從茲常報平
安門對花壇此日倍增妍麗祝豈同於侈喜修成合璧之詞算

定得其多更譜作長生之錄

華山先生姓仇氏諱昌英名乃慶號道公次子也自幼失怙從

WENZHU

叔父殿貢子澄公學穎異能讀書過庭序補後秋試輒弗利
遂以資納貢不復圖進委僕頭鄰氏生丈夫子三曰武學生汝
和國學生明哲明察精舉子業實志以償她為大劑幸慶張錦
山孫女次為花壇增生董婦她長女其三則續增貢生林文翰
女也先生既謝科舉乃以厚鄉里善風俗為己事殷鑒於家聚
族中子弟延師教之資以膏火戚族有窮乏有所求無弗與誠
蓋出誠無欺也其田租未嘗侵於貧窮其好義知
禮多而能守之也

華山公墓誌銘

華山先生姓仇氏諱昌英名乃廢樸菴公次子也自幼失怙從叔父歲貢子澄公學穎異能讀書及游庠補增後秋試輒弗利遂以賞納貢不復圖進娶樸頭鄭氏生丈夫子三曰武學生汝和國學生明哲明察精舉子業實志以償媳爲大荆孝廉張錦山孫女次爲花壇增生董鼎魁長女其三則橫壇貢生林文翰女也先生既謝科舉乃以厚鄉里善風俗爲己事設塾於家聚族中子弟延師教之資以膏火戚族有窮乏有所求無弗與歲歉出藏粟減價而糶或負其田租未嘗理於有司蓋其好義知禮多類此昔孟子云一鄉之善士如先生者不亦無愧乎此

余之所樂爲之銘也 先生生於乾隆己巳十月 亥時迄
光緒癸未十一月初三日亥時無疾而卒享壽七十有五女三
久防國學生陳廷楨北合李昌元水漲盛和鳴其壻也孫六人
允綸允義允斌允諧允清允濟孫女三長守貞不字次適小喬
監生楊廷超少適下洋業儒金選秀曾孫心福心壽曾孫女適
殿前黃中魁次子今以光緒己丑十二月十八日葬於此山之
原而其婿和鳴故與余善以狀來乞銘爰銘之曰 曰 爲 聖 道
玉蘊於石惟山之輝士修於家惟國之儀懿歟先生有道弗施
惟後之論

皆在

光緒二十年歲次甲午十二月吉日

公名皆

皆字世生

立三

名虛

成述公子也配仙洋

何烈智公長女行年九歲後學邑廩生楊行素頓首拜撰

字無如家計繁母氏又老將不邑增生趙連城頓首拜撰

嫁姊妹事老母以及內外未嘗稍懈事必親自檢點莫不井井

有條老成人不是過也其先家頗富從公節管子衛不數十年

則日新月遷老爾宅改爾田家業且士倍於前性節儉機素無

奢靡食糲衣布自奉省約延師傅教子弟東塾豐熟好飲酒又

不爲酒肉債交遊或請諸侍人忠直處世謙和凡臨南台北知

公名皆 皆字世生 立三 名虛 成述 公子也 配仙洋

里中建新宗前進適公方築室族人來商曰明日欲起手切木無木可切奈何公慨然助棟柱棟桁木料又樂助洋元厥後祠宇告成至今猶豔稱之舊有福順壇極狹窄迨光緒丁亥重修公乃捨基助木增而新之廟貌煥然公之生平爲義類如此今年近古稀精神矍鑠逢吉康強人曰思生公今年高德劭老成可尊公淡然不介懷孺人賢淑有婦德善主中饋無非無議相夫有道居積致富公藉內助力居多生丈夫子六長國學生明權次邑庠生明豹三明惠四明東五明泰專事經營兼善耕稼克勤克儉丕振家聲六明理讀書有聲頭角崢嶸女二長適高第何雲長次適澗香右庠生方旌旗之子聖綸孫男八孫女

九華封人祝曰多富多壽多男子公亦其庶幾乎

皆維

光緒三十有三年歲次丁未季冬月中旬吉且

無窮華第方興君親 同邑廩生眷弟方 寅頓首拜撰

未始獲性未識善人嘗謂而况建足以官術何也嘗有司命之權幾有欲投擲不旋踵歟命得生天固有降筆矣事曠仇先

夫不可不察也。然則其所以為國與醫之救人其能
 力有大小效果有淺深而其濟世之心則一也。相不良則變理
 無術舉錯乖方誤君誤民而其患實足以誤國醫不良則脈理
 未諳藥性未識害人害物而其究適足以害身何也。醫有司命
 之權藥苟誤投禍不旋踵戕命傷生天譴有難道矣。卓嶼仇先
 生賜谷吾東鄉之國手也。其少時讀書穎悟過目輒成誦。年壬
 子督學使者吳公崧甫按臨都邑。選補博士弟子員。自是厥後
 先生以家計重無心進取。遂棄舉子業。好岐黃。家言凡於靈樞
 素問及神農本草等書罔不研精殫思。窺其竅奧而得其要領。

修職郎仇賜谷先生行狀

其修職郎仇賜谷先生行狀
 先儒有言不為良相當為良醫。蓋相之救國與醫之救人其能
 力有大小效果有淺深而其濟世之心則一也。相不良則變理
 無術舉錯乖方誤君誤民而其患實足以誤國醫不良則脈理
 未諳藥性未識害人害物而其究適足以害身何也。醫有司命
 之權藥苟誤投禍不旋踵戕命傷生天譴有難道矣。卓嶼仇先
 生賜谷吾東鄉之國手也。其少時讀書穎悟過目輒成誦。年壬
 子督學使者吳公崧甫按臨都邑。選補博士弟子員。自是厥後
 先生以家計重無心進取。遂棄舉子業。好岐黃。家言凡於靈樞
 素問及神農本草等書罔不研精殫思。窺其竅奧而得其要領。

焉因而遊上洋歷吳門抵孟湖訪學於費伯雄先生等與之講論彌月由是術業遂精其行醫也無論貧富貴賤遠近親疏有求必應而不受謝儀生平尤邃於脉理診視之後決言某病可瘳某病不可瘳有如燭照數計無或爽焉者光緒庚寅先慈病患虛寒余以往年此症得白溪阮若星先生醫之而愈故亦延伊施治無如投桂附參耆則病益增且旬日絕食氣若游絲亦自分不起矣然絕望之中猶懷餘望不得已求先生診之先生閱徧前方謂胃氣弱甚猛烈沉墜之品俱非所宜擬以芳香收澀等藥固守中焦仍重用參術二味不數劑而病若失僅以半月時間收功焉此後又享壽十年所謂生死人而肉白骨皆出

於先生之賜也先生今年八十有三龐眉皓首鶴髮童顏飄飄然有神仙之概蓋由其施醫以來活人無算能壽世者必壽其身亦天之報施善人理有固然者耳家素豐樂善好施周卹貧苦親鄰而自奉恒儉其處事極謹慎稍有未妥必不敢爲秉性又篤於天凡同堂伯叔兄弟子侄輩無論同居分爨其各家錢穀出納田糧戶役等事靡不由其一人所經理先生配張氏亦賢淑有婦德生丈夫子二長武學生名戴恩次貢生名遇恩女三長適漲溪國學生盛世銘次適北閩李昌吉三適花壇徐士蘇文孫則雲仍繞膝蘭玉盈庭或耕讀或貿易皆確守其家法而不振其家聲焉

家素豐好施子言行在在爲閭里法子心識之閱明年壬辰枉顧雙溪道容粹然齒髮稍匕衰矣而精神滿問以精醫之由先生謂吾本非業醫者顧自庚戌年遊庠後身嬰偏瘋之遠近延治無效乃自搜括方書研精覃思稍窺門徑因而遊上洋抵吳門徧歷碼頭醫局所見多未能治及病根一日詣某局自寫醫案呈叩一老先生出應接讀許久深愜予懷予曰有是哉先生非昔人所謂三折肱者耶其爲良醫也宜矣蓋先生脈理最精診視之餘決言某必瘳某不瘳某必速瘳無或爽者而性又最勤且廉昔傅徵君青主自以明代遺民不肯應國朝試顧亨林氏所嘆爲天機活潑我不爲焉者也其平日最精於醫

而甚狷介貴顯者請決不輕往性愛花病者往匕界置僧舍使人給言某處有花約往觀聞呻吟聲必過問以答以孤客沈滯輒爲治之隨手愈今先生殷匕濟世似與青主有間而術之精究何異於青主哉且青主不以醫名而以醫稱青主者未得爲知青主先生以醫名而以醫稱先生亦未得爲知先生此乃吾所擬爲高人碩士隱處南北雁之中者也亦既觀止云胡不夷風詩之義其可斷章取矣茲者年登八秩視聽不少衰哲嗣二人孫八人曾孫三人秀挺庭階諸蘭葛將介眉稱觴林君田坡嵩函來以文見屬予曰先生醫人之功即壽人之德以是爲先生壽奚不可况先生生道光乙酉是歲 成皇帝御極之五年

於時寰海鏡清方隅砥平生其時者多龐社老枯以應其運易象坤厚載物乃終有慶文言積善之家必有餘慶先生之當國家全盛之秋得乎天者厚而又能以醫人者壽人自身自躋乎上壽秉坤之德順成乎天地道臣道也即達道也外此非誣則諛矣又何以壽先生哉田坡曰請即書以爲序

皆在

光緒三十三年歲次丁未季冬月

穀旦

天台歲貢生張逢鏞拜撰

武舉對謙公傳

公諱明吳字孔暉號對謙榜諱履和貢生夢九公四子也性謙和剛柔互濟雖膂力過人好談武備而氣度雍容綽綽乎有儒者風自少志氣不凡讀書知大義好旁覽百家志傳尺牘書至歲癸亥方從武教習

先生遊未閱月

先生閱其技藝

察其動止謂及門曰吾教人多矣從未見材武絕倫如仇君者非小受才可知也果於同治甲子受知吳太宗師取入右岸繼即中鄉式於丁卯科當是時吾荆土武風未盛登科第者寥匕及公中鄉選道路驚爲神奇威族嘆爲榮光而公獨能處之坦然無介於懷真堪稱富貴不淫者也惜賦年不永董家政

適閱歲享壽僅三十有三輒考終正寢噫天之苛待奇傑抑何
竟至於此耶其必有以待之後人也妣盛氏有賢行相夫佐理
克儉克勤內外交稱之

光緒三十三年歲次丁未季冬中浣日

同堂侄孫邑庠生名舉恭撰

附錄對謙公併盛安人像讚二則

緊雁峰兮峯嶺羌拔地兮參天維先生兮果毅洵骨勁兮神完
生猿臂兮飲羽陳龍韜兮磨研志狼河兮樹績名虎榜兮高懸
身亭匕兮鶴立形表匕兮鴻濤既冰清兮玉潤亦行方兮智圓

易金銘兮緘口儀梨讓兮隨肩恥財奴兮錢種善果兮心田

藝蕙蘭兮楚畹儲楨幹兮芸編維傳家兮有道乃裕後兮光前
偃苑降祥素娥表潔林下高風閩中人傑毓質名門來嬪世閩
四德能兼三從罔缺中帆流徽珩璜著節警戒翱翔篤生瓜瓞
寡鵠興歌一慟幾絕案斷舉眉恩辜結髮相夫願虛翼子情切
熊丸課將燕翼貽厥我仰母儀前身明月

內安能久事... 刃石未... 列高等... 善好之...

難之氣滋養真誠遇好時發射雷也

卷舖與海一計委出矣滿學則感勞請對財夫靈氣莫下雷四

四樹滿葉三葉四葉取賦說滿漢江常留香氣勝與高生風

晴滿柳葉嫩寒漸稀有落風四中人時時黃冷四來黃世同

靈風閣共裝湖... 南說武... 吳公心

右庠生朗軒公行略

我父名明炯一名進禧字孔瑞號朗軒榜名兆熊 儒童朝陽

公子 歲進士子澄公孫也自幼雄武初受詩禮亦以能文名

迄後材力益壯諸同年所不能運動者公悉付之易易舉之晏

如一旦遇橫壇村武教習林遇春先生者嘆曰此軼材也若入

吾彀中當取青紫如拾芥公感其說奮然曰大丈夫當雄飛宇

內安能久事筆硯間乎遂行束修棄所學而學焉不踰月而強

弓刀石朱蠶羽箭諸技藝無不壓倒雄輩此所以初赴童試即

列高等而受知於祁太宗師而入右庠焉時年甫弱冠林先生

器許之恐其安於小就時加教戒後赴秋闈真不啻一代人龍

目者莫不謂子龍再世關羽重生即若考官許同考官吳等亦莫不搔首歎美拍案稱神特是忽墜一矢同考官吳知不獲隄即前來慰曰以若之神武卻被一蹶而不克振者此天正降大任於若將以困若志老若材若當勿懈厥志以待來年度不止鷹翼奮飛揚名虎榜而已無如大數當終我祖染疾不起我曾祖亦以壽終一時胸懷水冷不復奮鵬程之念矣遂家居守孝祖述岐黃所施良方悉奏神效就診問訣者日不可以勝計也

皆在

光緒三十三年歲次丁未季冬月中旬吉旦

男儒童允濂恭識

武生子厚公傳

公諱明晟貢生夢九公三子字孔庠諱敦和子厚其別號也性端謹厚重少文動必以禮不矜才不使氣故號之曰子厚其孝愛天至處家人父子伯叔間盡禮節致一團太和氣充溢門閭人咸嘖匕稱之謂聖門閔子不是過至年冠讀書知大義能旁及諸子百氏志傳特以身材雄偉貌若渥丹勸之者謂若棄文就武可大就公方偕房弟望川公從武教習董鼎元先生遊不數年果受知張式更宗師取入郡庠公力擬烏獲有穿楊射札材當時豔稱若從此再圖進取直上雲霄可卜也詎夢九公年力衰不勝家政勞公始承命棄科名與昆仲六人各肩

樂清何氏宗譜卷一
一事 公職在稼穡所好也鋤雲犁雨一秉后稷遺風從無憚勞意使田或荒蕪致傷黍稷故歲入租穀每逾常家因益饒夢九公心喜之 公於耕田暇遍閱醫卜星相堪輿家書朝夕研索至敵精勞神不少懈故百藝皆能人稱之曰野博士而最精莫過相術世之經 公衡鑒者或富貴或貧賤或壽夭俱中無或爽故名溢一時就相者踵接於庭然此小技也迨晚年閱歷深見天地循環理省得爲人之道更欲力培善基遺兒孫故凡係陰騭善事無不樂爲之如願體集敬信錄潘公寶卷諸因果書 公閱之幾遍且不惜已資多購施送至鄰里有困乏立應之無難色歲凶歉賴賑濟者不一家有積欠銀錢均聽便從不

至索討至大荆田糧倉及文武二衙署被髮逆燒重構捐貳佰餘金雙溪義塾助百餘金宗人建新宗祠出數百金相助家立長生會備棺施捨數十年諸善舉雖均出祖父意而抑知 公勸相力居多蓋 公深知古今守財奴每至蘊利生孽故特輕財好施見義勇爲有如此 公其克昌厥後乎至其析產時唯命是從不與羣昆玉輩競錙銖尤出 公之所不意云德配曹氏有賢行識三從備四德克繼曹大家風徽至能處富不驕克勤克儉一如寒素者然族黨咸多之

皆在

光緒三十三年歲次丁未季冬月中旬吉旦

堂侄孫邑庠名舉拜撰

光緒辛巳明經曹君志丹假館於雙溪余與曹君結文社有友
七八人羣相討論相得甚歡時君門下生亦多有卓嶼仇仁
山者余見其人頗豪爽亦具膽氣洵為非凡才然彼以余有一
日之長執弟子禮惟謹雖終日聚晤無多言故亦未審其家世
也自是厥後踪跡久疏不相問問者數年迨歲相遇於鹿
城試館始知其棄文就武嫻騎射已屢試冠軍矣君名漸鴻諱
允壽仁山其字也即於是歲獲雉至己丑科遂捷鄉榜中式武
舉第六十名惜乎賦年不永春秋僅二十九竟令其齋志以沒
殊可慨已今年春余忝主雙溪學堂其壻章輔國從余遊以其

武學仁山公行述

光緒辛巳明經曹君志丹假館於雙溪余與曹君結文社有友
七八人羣相討論相得甚歡時君門下生亦多有卓嶼仇仁
山者余見其人頗豪爽亦具膽氣洵為非凡才然彼以余有一
日之長執弟子禮惟謹雖終日聚晤無多言故亦未審其家世
也自是厥後踪跡久疏不相問問者數年迨歲相遇於鹿
城試館始知其棄文就武嫻騎射已屢試冠軍矣君名漸鴻諱
允壽仁山其字也即於是歲獲雉至己丑科遂捷鄉榜中式武
舉第六十名惜乎賦年不永春秋僅二十九竟令其齋志以沒
殊可慨已今年春余忝主雙溪學堂其壻章輔國從余遊以其

岳父之行狀來謂卓嶼譜牒將告成而請余敘之以垂實錄狀曰君考諱明偉膂力過人能挽強擊堅以歲入武學亦卒於二十九歲生女一適南合職員章宗球子一即君也妣氏章孺人青年守志撫遺孤理家政教養兼營心力並瘁可謂賢矣君之夫人蔡氏亦賢淑有聲生二女前後皆適蔽國子曰如實頭角崢嶸異日可成偉器祖武孫謀胥於是卜之矣語云清節孤孀其後必昌蓋天之所以報其苦志也是為叙

卜皆維

光緒三十三年歲次丁未季冬月中旬吉旦

同邑增廣生愚弟雁門趙連城拜撰

光緒三十三年歲次丁未季冬月中旬吉旦

國學生壽生公行略

公名允武字孔毅號壽生監名盧蓀繼名寶仁武生子厚公

次子也性謹厚淡嗜慾寡色笑孝愛天至悃悃不華力矯時下桃薄氣雖處鄉里間恂匕若無能而氣能含蓄意思深長人咸謂有真本領宜也少亦性敏讀書善記問就外傳未及十年輒能卒讀經書通知其大義特因子原公逝世家計重大公輒讀接理後處置攸宜內外得其歡心尤性最勤儉勞瘁事必躬親衣雖敝食至蔬食菜羹亦甘心不厭生平最喜積德事陰騭文功過格諸書披閱不倦克繼父志若遇道路橋梁祠廟賑濟諸義舉亦不惜重貲而爲之歲丁亥賢甫公祖師福順壇廟圮壓

更寒暑修理乏人公獨能毅然爲首出改建而增廣之高大之可謂不世功碑記可核迨晚年身入太學忽念族多停柩家破人夭未必非負先公獲天譴故因是有惕於心乃究心堪輿家言朝夕殫思術因益精每於家政餘閑卜獲善地予我族人勸令速塋公亦可謂多積陰功食報靡涯矣乃今則公之身康強逢吉壽頤可期公之子若孫亦秀挺庭階將未有艾噫天之報施善人抑何若是其不爽耶妣章氏生自望族嫡我公能勤以將事儉以持家中所不多觀也

光緒三十三年歲次丁未季冬月吉旦

天至附不華代謝
堂侄邑庠生名舉恭識

介資楷亭公行略

我同堂叔允斌公字孟模號楷亭庠名錦標監生鏡東公次子也性坦易不立崖岸人自樂近之處鄉黨恂乂若無能至縱談天下事亦能英華發越不可遏人稱柔而能剛洵當也但性喜武風謂詩書拘苦何如騎射怡情年未冠輒棄學從武教習林遇春先生遊技之精能同儕黠稱果以歲 縣試第 名偕房兄德生公咸受知於學使瞿鴻機焉 公自遊庠後年益壯志益雄益究心刀石騎射諸技其意蓋欲上達九霄也惜命與時違至歷鄉試數科終以病一指犯場規而不克復奮鵬程 公由是心灰不復再圖進取援近例捐納介資修職郎優游家

居惟以訓子課孫為先務不復預人世間事擾我胸襟可謂樂
已妣凌氏 氏均柔雅稱賢雖處富能茹苦不厭處勞不怨族
黨中罕見也

昔在 光緒三十三年歲次丁未季冬月中浣吉日 同堂侄邑庠生名舉拜撰

同堂侄邑庠生名舉拜撰
光緒三十三年歲次丁未季冬月中浣吉日
同堂侄邑庠生名舉拜撰

仇岐初先生事蹟

先生仇氏字邦福號岐初小聰穎具有特識及壯屢念母老弟
幼生產無多欲謀發展必須出外遂以經商湖屬埭溪各地為
人信孚得各地人士敬仰旋在南壁娶妻盧氏賢德淑惠更添
內助遂後運至時來漸入佳境以致經營蘇滬無往不利 先
生素懷仁慈以恤貧救急為己任所以天道好善明去暗來復
在南壁建造大廈受置財產頗鉅 先生孝友甚篤迎母侍養
太夫人以鄉土不宜未久仍回河里并代各弟謀家室授實業
因之埭鎮南北中三路人民咸慕 先生為善獲福聲譽倍增
先生尤善能排難解紛不論事之巨細路之遠近人以往告

先生一說就平 先生抱息事寧人本旨當場就出資墊付了結村人無不折服至於捨材施藥賑米惠借等七尤其餘事 先生得此善果產生一子女三聰慧靈敏是分來好報當然不差民國十八年改設村里制 先生獲選爲安南村村長奉吳興縣政府委任連任兩年住民愛戴後以 先生經營擴大不克兼顧力辭去冬日寇侵擾各鄉友避難來者不計其數 先生均一一善爲安慰分別設法救濟後以寇餓日熾錢塲錢義昌君恐 先生暨盧夫人及愛媛掌權等有驚特以善意遣屬請 先生暫避其家 先生思其地果安全即帶精銳部份遷至錢塲錢友義昌素慕 先生好感願以新屋讓之不料被匪

誤報破門入內圖劫卒以錢家建作堅固不得上樓匪遂以火縱焚 先生所攜物件盡付一炬一家老幼得安然出險其非神明默佑焉能解脫余聞驚往探詢悉全家無恙即以恭喜二字慰之 先生自滬戰發生以後其間因生意之損耗以及土匪之洗劫日軍之侵害數在萬餘 先生氣字過人咸以身外物視之又復樂善不倦借資救濟難民回里尚有留在鄉人因故不克來歸者咸嗟來食 先生將家存數十石食米按人散給一光互古至今世有不乏慈善之人如 先生能於自己罹難中不惜傾囊以輸誠屬罕見此皆余之目覩及親受其惠因念 先生之仁愛待人功難可沒謹錄事蹟以垂不朽焉

民國二十七年桂秋月

恕夫陳徐霖薰沐拜撰

公諱昌齡字思遐監名盧俊號夢九樸菴公長子也攷公自幼失怙謹聽母訓能立志亦能勤學及長棄儒業買遂獲厚利不數年而富甲十都例入國子監矣厥後廣置田庄宏營堂構不惟財用恒足抑且家道漸昌因欲樂濟衆好義舉助興學校教育人材修輯橋梁交通車轍隣里之飢者給以食寒者贈以衣洵一鄉之善士也人誠能衆善奉行天必錫大年足慶故享壽七十有九戚族友等曾經製屏恭祝焉元配安人章氏生三子長明且早遊泮水次明曦入國子監三明晟練武亦捨芹香女二長適水漲村監生盛大光次適庄屋村監生葉瑞蘭續配安

九夢九公傳

公諱昌齡字思遐監名盧俊號夢九樸菴公長子也攷公自幼失怙謹聽母訓能立志亦能勤學及長棄儒業買遂獲厚利不數年而富甲十都例入國子監矣厥後廣置田庄宏營堂構不惟財用恒足抑且家道漸昌因欲樂濟衆好義舉助興學校教育人材修輯橋梁交通車轍隣里之飢者給以食寒者贈以衣洵一鄉之善士也人誠能衆善奉行天必錫大年足慶故享壽七十有九戚族友等曾經製屏恭祝焉元配安人章氏生三子長明且早遊泮水次明曦入國子監三明晟練武亦捨芹香女二長適水漲村監生盛大光次適庄屋村監生葉瑞蘭續配安

人李氏生三子四明吳善弧矢選登科五明暄入國子監六明
昱亦入國子監女一適北閣村監生李琛孫允臧允栢允迪俱
院試選取武生而入泮宮允美允貞亦經院試而先入費門統
均允達允鎔皆入國子監其餘孫允康允梁允植允文允治允
誥及曾孫心紀心緒心紹心朗心朝心朋心瀛心潛心粹心寬
心融心保心玉心耕心地心銓心魁心泉心高心平心瀛心潰
心廣心啓心翼心運心遠心服玄孫善慶善福善順善統善敬
善棣善粵善植善香善興善梧善繼善昌善華德炳德誠善堯
善性善教善道善綉善富善貴善節善江善銘善洪善長康阜
定昌善將善狀仍孫保定保春保產保瑾保真保熾保正等濟

濟盈庭亦可稱麟趾呈祥螽斯衍慶也巳

時

民國二十八年歲次己卯五月 穀旦

同邑庠生盛

楓拜撰

恭介

思生仇太親翁九秩榮慶

蓋聞嚮福用五壽列爲先達尊以三齒居其一大年足慶養生
 豈傳術士之書春酒介眉多壽宜效華封之祝孰克當此盛事
 洵足播於美談恭維我 太親翁和平處世忠厚待人幽人之
 履恒貞長者之車咸在矧齡勤學擬同劉向傳經壯歲謀生聊
 效陶朱託業精夷吾之商法立業興基習周髀之算經積銖累
 寸而且善交久敬曾無愧於友朋豈惟行篤言忠足推重乎州
 里獨具從容之度克享遐齡良由仁厚之休堪登上壽際此國
 恩家慶人壽年豐頌祝三多祥凝二老椿榮萱茂堂上之遺蔭

長留桂馥蘭芬膝下之含飴自樂遊舒長之化日飲和已閱四
朝被休養之仁風紀歲剛逢九秩豈必餐精餌術始駐華年即
此抱璞守真永膺多福茲者義經畫泰麟筆書春當笙歌旁午
之秋正嵒嶽生申之候健辭鳩杖拜榮寵於鴻恩笑酌酒漿快
綿延夫鶴算常珍二膳孫曾隆養老之文洗爵稱觴戚里永
年之頌等情關孫壻分屬太翁仰厥儀型擬是長天老佛瞻
寶筵碩德庚年難老之歌
海屋添籌百歲期頤稱上壽
華封三祝九齡養晦樂無疆

附錄壽詩一首

奇峰百二足幽居四世同堂慶有餘雁宕門前成長老稱觴北
海樂何如

民國十八年歲次己巳元宵 穀旦

孫女壻大夏大學教育學院畢業生李 林源恭撰

民國二十八年歲次己卯九月 吉日

君名昌基字思昇號藝圃學熙公之次子當君幼時鄉先達皆
目於佳子弟焉比長與兄昌統析箸後其時產業蕭條辛苦備
嘗是以藉農隙之餘作公益事生平樂善不倦忠厚待人鄰里
有貧乏者而必與之借貸亦無德色他如橋梁道路無不樂輸
以成其美遇有紛爭者必以理剖其曲直務使兩情允服此次
族中修譜麻車嶼廟灣等處贈寫事宜君之力居多焉

昌基君行略

君名昌基字思昇號藝圃學熙公之次子當君幼時鄉先達皆
目於佳子弟焉比長與兄昌統析箸後其時產業蕭條辛苦備
嘗是以藉農隙之餘作公益事生平樂善不倦忠厚待人鄰里
有貧乏者而必與之借貸亦無德色他如橋梁道路無不樂輸
以成其美遇有紛爭者必以理剖其曲直務使兩情允服此次
族中修譜麻車嶼廟灣等處贈寫事宜君之力居多焉

友人鄭溱洧拜撰

吉旦

民國二十八年歲次己卯九月

昌岐公讚
岸然九尺有力善耕志在四方朋友有信雖曰未學事理能明
與共患難出死入生柔亦不茹剛亦不吐言亦勿多亦極和平
觀天下士公可謂之錚也

昌岐公讚

岸然九尺有力善耕志在四方朋友有信雖曰未學事理能明
與共患難出死入生柔亦不茹剛亦不吐言亦勿多亦極和平
觀天下士公可謂之錚也

允清約三謹撰

因圖二十八平餘為五取武員

歸天不土公可權之稱也

與共患難出溪人坐與衣不蔽關衣不知官衣以寒衣謝賈平

堪終武只育代管得無無四式照文官當編曰未學事服誦閱

仇公雲卿先生傳

仇公雲卿先生傳

大荆舊名嶺店其地多荆棘山嶺則土瘠民貧可知然澗池足以窮魚鱉而不足以困蛟龍僻壤足以踟庸衆而不足以縛賢智於大荆得二先賢焉 曹公志且先生以儒行顯仇公雲卿先生以經商著其光明磊落之志堅貞卓絕之行均足以振頹風而勵末俗曹公之為人沒而祭諸社仇公之為人口碑載道其嗣君約三作客武林常朝夕過談今也均歸故里修仇氏之譜牒記先人之行事乃薰沐而為之傳 先生樂清大荆卓嶼人昆弟四而居其長為人正直重然諾信義通商擊弟輩開張於龍避粵繼遷徙於大荆南街尤轉移於大荆高地大啓爾宇

擴展鴻圖所到之處如王達之聚居成市焉不數年累貫富厚橫逆之來在所不免乃公智勇兼備措置有方均能化險爲夷不爲所禍迹其前後山匪糾劫被創而退海來盜犯伏兵以擒關吏誣以繞越會營逮捕理據抗折終歸無事至於設立遐公書院建龍避香茶亭光復時防營無餉民團無款出任財政職匪而安民尤慨擲巨款起校舍辦理荆溪小學爲地方造福不一而足經商起家而深明大義如此各界咸欽仰而利賴之亦可傳於天下後世矣德配嚴太夫人溫良恭儉內助稱賢事雙慶之翁故釀家庭之和氣子一約三履德蹈仁無人不欽孫曾男女雍雍有禮克振家聲積善餘慶鳴聲以贊

大度包荒出言有章輪忱善舉作德名揚席豐履厚源遠流長惟民以望亦族之光庭前蘭桂蔚起芬芳

皆

中華民國二十八年歲次己卯九月吉旦

世侄賓文鄭 廉謹撰

匪而安民尤為難巨款起發合辦罪對實文漢身樂請難利不
 中藥外陣二十八海軍力以戰此古里成飲仰而利賴之亦
 可得天下後世矣想電羅大夫位蓋良恭檢內助稱實事變
 難死烟欺和難
 夫其...
 仇公芹川八秩大壽序
 嘗誦詩有曰惟嶽降神生甫及申允矣名山之麓靈峰之間必
 有拔類超羣者年碩德之人應運而生者乎 仇公芹川余父
 執也居雁宕百二峰旁龍首卓嶼山下其地層巒聳翠秀水獻
 媚真有令人悠然欲仙徘徊不舍之嘆余童年時 公每歲必
 過余家數次余每觀其與余父交際周旋間言必信行必果取
 與不傷廉義交情之厚數十年如一日例以管鮑友誼平仲之
 久敬何多讓焉余家以 公故而得聯姻於北閣李氏余因姻
 故而得時過 公地并課徒於花壇自此不特知 公之行狀
 並詳悉公之家世 公天資穎異童歲有丈夫氣早失怙事母

仇公芹川八秩大壽序

嘗誦詩有曰惟嶽降神生甫及申允矣名山之麓靈峰之間必
 有拔類超羣者年碩德之人應運而生者乎 仇公芹川余父
 執也居雁宕百二峰旁龍首卓嶼山下其地層巒聳翠秀水獻
 媚真有令人悠然欲仙徘徊不舍之嘆余童年時 公每歲必
 過余家數次余每觀其與余父交際周旋間言必信行必果取
 與不傷廉義交情之厚數十年如一日例以管鮑友誼平仲之
 久敬何多讓焉余家以 公故而得聯姻於北閣李氏余因姻
 故而得時過 公地并課徒於花壇自此不特知 公之行狀
 並詳悉公之家世 公天資穎異童歲有丈夫氣早失怙事母

孝與弟芹洲公友愛之誼五十年不稍衰語曰惟孝友於兄弟
公其有焉清光緒庚子天津拳匪之變七國聯兵入京陝甘諸
省旱潦爲災清廷募帑助餉賑飢 公時經商滬上慨然解囊
資百金以應清廷感 公義酬錫以從九品職頂服榮身此與
鄭之絃高漢之卜式出財粟以抒國難者同其道歟且 公之
在鄉里也凡地方之公款公產無不竭力經營有聚和衆者初
僅數十金自 公接管後積累至千金仇氏向有老宗祠無新
祠 公乃謀諸族人合資以建新祠並抽祭產十餘金取締生
息以備修整祠宇之需迄今積蓄亦達二百餘金後老宗祠被
水冲壞又與雲卿君重建之且任督工勞怨不辭故二祠之成

分力居多此外募修避水嶺至白簪鼻道路千餘丈築橫溪頭
石齒二處以免行人跋涉之艱又出資建迴寺修龍首廟以奠
神居修宗譜以序人倫築殿前壩而盡力乎溝洫管直坑山而
致意乎森林苦架書之浮收則出衆產贖供冊訂規則以杜之
惡橋頭之勒索則給以養廉田立條約以制之鄉鄰有門被髮
往救排難解紛鄉里獲安全之福爲不謬也至今年登八秩猶
復步履健康精神矍鑠蒙黃道尹額以髦年樂善則漢光武誇
馬伏波語可移贈焉德配葉孺人温恭克讓孝故睦隣相夫子
勤儉理家撫子女教養兼施內助之賢有足稱者長子允能三
子允定爲商界領袖家道益增次子超英年遊庠現任大荆鎮

自治委員凡地方公益慈善事業無不踴躍從事頗有乃風父
孫四女孫五蘭蓀玉樹盈滿階前易曰積善之家必有利慶我
於仇公益信是爲序

通家晚黃巖楊文言拜撰

族侄 仇允清謹書

仇蔚文先生七三壽序

蓋聞才能出衆雅號通儒利澤及人堪稱醫士則必尊德樂道
遊藝依仁奚煩泛引無稽稱名不實而可以動當世之掄揚增
一時之聲價哉如我 窗友蔚文先生者事理通達心氣和平
品節詳明德性堅定雙溪同學著辛著於難窗丙申遊庠思畫
聲於閩苑雖魯芹薄采未斟鹿宴之觴而待兔守株不墜青雲
之志歲在辛亥入南洋法政學校革命起義罷學旋歸時運不
齊命途多舛由是理精素問效奏青囊常存濟世之心考領行
醫之照師東垣之心法力可回生讀仲景之方書人懷再造台
南雁北遐邇共沐其恩邑西甌東老幼咸沾其惠丙戌之春二

月既望白溪公民林包楨施肇基黃偉民黃兆卿張國珍聯名
恭獻千金良秘額其門又貢對聯存心惟濟世著手即成春懸
於堂非報也聊爲不紀念云爾配何孺人幽閒其性淑慎其心
生子三允琨允瑛允珣孫二心揚心亨孫女一舜華既有子而
克家亦承先而啓後人稱積善之家必有餘慶先生則澹泊盟
心寧靜致遠居異地而琴書作客酌酒賦詩館雙川而桃李盈
門春風時雨際此年逾杖國步履康強壽考維祺精神矍鑠老
當益壯寧知白首之心天假數年卒學羣芳之譜矜看丰神搖
拽柳似先生行見品格高起梅同處士虔修蕪語用酬一片姿
心愧乏瑤章聊表當年叔度

昔

民國二十八年歲次己卯中秋

吉旦 董同志人也幼隨

書香記年十四赴樂清歸自 同學弟松圃莊以臨恭撰

廿二八春秋彈指過

國民黨成立隨入黨員整理黨綱同志贊

歲七三歲月從心來

轉經爲大雅自治委員熱心公益該地風

被水災向建設廳撥款國幣二伯圓建設地方議庫以作開辦
費其餘向該地田宅捐集集款成裝此舉告竣有利於地方卓
識初小學校向書院編爲基地課業不暇訪者教務遂致延
遲後經戶部撥多金修葺校舍至今講堂明潔諸君至者令人
感佩因門前植松爲記

仇君諱明堅字孔吳號琳珊樂清縣黨部同志人也幼聰穎讀書善記年十四赴樂清縣自治研究所畢業越數年受聘於葦水產學校書記時國民黨成立隨入黨員整理黨綱同志贊成公推於黨部監事轉陞為大荆自治委員熱心公益該地屢被水災向建設廳撥款國幣二伯圓建設地方護岸以作開辦費其餘向該地田宅照捐集腋成裘此岸告竣有利於地方卓嶼初小學校向借宗祠為基址因光綫不明妨害教務遂發起熱忱挨戶募捐多金修理教室至今講堂明亮器具完備今人欽佩詎料黨務繁冗積勞成疾逝世全體含悲人亦其如命何

仇琳珊先生傳

仇君諱明堅字孔吳號琳珊樂清縣黨部同志人也幼聰穎讀書善記年十四赴樂清縣自治研究所畢業越數年受聘於葦水產學校書記時國民黨成立隨入黨員整理黨綱同志贊成公推於黨部監事轉陞為大荆自治委員熱心公益該地屢被水災向建設廳撥款國幣二伯圓建設地方護岸以作開辦費其餘向該地田宅照捐集腋成裘此岸告竣有利於地方卓嶼初小學校向借宗祠為基址因光綫不明妨害教務遂發起熱忱挨戶募捐多金修理教室至今講堂明亮器具完備今人欽佩詎料黨務繁冗積勞成疾逝世全體含悲人亦其如命何

我乃拙於文者

樂清縣黨部秘書倪自鏡謹述

公無他業唯讀書神獨大陳自節委員熱心公益茹艸
並本適學好書詞圖列黨獨立個人黨員進取奮鬥志
書皆研平十四枝樂密編自節獨於退學後親手受聘
此詳編世聖守耳

錄取僑童子賢宗弟讚

性情靈敏志氣激昂人品殊優文章入妙同宗師丙申科余致
祥已錄取獨覆試以無名落卷尚留作後人之模範音容既渺
歸地下而修文茲當家乘合纂贅詞乏歐陽之讚管城紀蹟遺
編揚黃石之芳

皆

中華民國二十八年歲次己卯菊月吉旦

同考宗兄庠生 解沐手謹識

樂清仇氏宗譜卷一

中華風雨二十八平數方石眼談日吉且

音

繼從黃氏之說

輔庶不而對文茲當案乘合盡管屬之潮潮之管管勉誠
等曰魏東隱隱始以無谷管管因管管人之其其音容到
對管管對法其其其人其其文其人其其同其其因申其其



LIBRARY

仇公温如先生傳

先生生平入舉子業博學通文因屢試不售例入國子監矣由是精越人術存心濟世遠近之治療者酬以金而不受餽以禮而不納人民咸稱道之且鄰里有告窘者濟之無難色公民有募捐者助之無吝情洵一鄉之善士也德配孺人李氏婦儀不忒懿範可欽生長子允美身入覺官次子允鎔名登太學女三俱適名門孫一如霖受龍口軍事隊長天台捐局主任曾孫長康阜幹部訓練班畢業常為鄉間隊附次定鏘年幼亦能肄業小學歷攷家屬亦可謂克昌厥後焉

邑庠生盛

楓謹撰

樂清仇氏宗譜卷一

百十三 公元一九九四年重影

樂清何氏宗譜卷一

小年... 大獲... 莫世... 而不... 欲辭... 伏法...
LIBRARY

子輝叔父傳

叔父繼起貽謀守成遺業名途志淡利藪情濃故貨殖宗聖門
高弟懋遷學齊國巨卿經書讀龍山名未標乎虎榜而茶買破
石利常獲于蠅頭則益家既蒙陸羽之神而興業又藉杜康之
酒從此家稱饒裕戶號素封歲登負郭之租倉儲如塘之粟且
文園學圃之旁田都種玉書笥經箱而外簾有遺金不惟財用
因而恒足抑且家道由此漸昌矣所配孀人林氏温恭淑慎貞
靜幽閑門戶賴以撐持家室資其調燮况庭前桂子馥郁漫天
階下蘭蓀葱蘢盈砌即迭起河洲之女亦漸成秦晉之婚洵竹
茂呈祥瓜綿叶慶矣

樂清何氏宗譜卷一

樂清仇氏宗譜卷一

皆

民國二十八年歲次己卯九月吉旦

姪庠生能拜撰

文圖學圃之衣田潘躋正書畫黜辭而代履官鉅金不辭慎出
高策懸壺學濟圖日映靈霄蘭菊仙杏朱瓣平韻對而萃買郊
球父職感領緒

千載感公



恭祝

免夫仇老先生六秩晉二大慶

世人謂醫可以壽人而不知醫之以德及人者亦可以壽已仇
氏醫生累奕相傳其先世名醫子澄賜谷先生醫國醫人存心
濟世聲名洋溢乎東甌之二先生者年登上壽皆因平日以醫
醫人而人之沐其醫以獲壽紀者天必鑒其行醫之德而錫以
無疆之壽故修德者必獲報德勦者年必高不可以為醫者作
壽人壽已之明證乎矣夫先生亦仇氏繼起之良醫耳攷其入
泮以後兩試秋闈莫售其技遂從暘谷伯父精求脈理計二十
餘年迄今醫學宏深遠近來診者戶限為穿迨民國八年創寄

樂清仇氏宗譜卷一

百十五 三 公元一九九四年重印

生藥店自題店聯云活命敢誇三指寄仙方能飲萬民生十年
續開衛生支店又題須後衛身先衛世莫輕生命重生財觀此
二聯則 先生所設兩店並非爲漁人之利實則爲濟人之病
濟人之病者無非爲壽人之意也而且於南北兩閩一帶至大
荆鎮邀其治病者往也收診費故諸鄉人士於民國十一年
間酬以活人無算之匾額今年逾花甲而猶精神矍鑠一遇夫
困苦者之延醫非惟安步當車不憚煩勞抑或饋以藥不取其
值其憐貧救急之心何莫非積德累仁之舉誠醫林中所不可
多得者也茲屈懸孤今且戚族友等感其生平以醫德人是以
製屏榮慶額匾表揚相於介壽稱觴登堂祝嘏願先生從此濟

人愈久獲壽愈高與子澄陽谷先生同享上壽於先後而已矣
然 先生之壽雖未臻於子澄陽谷兩先生在時之壽算而其
醫人之樹德若是可使其壽之日升月恒由老而耄由耄而耄
由耄而至於期頤未始不媲美於兩先生當時之錫嘏遐齡壽
於人而壽於己也子如霖貫通文字彬彬乎有儒雅之風十年
來參考醫理頗有心得孫康阜行年十二天資靈敏從事醫書
晝夜不輟孫女賽蓉賽荷賽梅賽嬌賽英等均年未及笄每夜
燈下必課以本草之藥性其所以醫傳家者非欲以醫名世
也直以醫救世以醫壽人耳夫壽人者必壽己蓋有此大德則
必得其壽焉是爲序

天台庠生同學弟張廣蔭撰拜并書

中華民國二十年歲次重光協洽律中姑洗月 穀旦

國錫杖鳩芹官振采

薪傳扁鵲藥院回春

寒暑運籌戰蹟書心於慈救學普救十二天資靈藥壽事皆醫
須知取術外此即之噴靈貴既文章游華平南謝聯文風半水
由醫而至氣騰味和微不顯英兌輝表書當情文獨顯脈循善
德人之情激滄史可斯英壽以仁且山海而醫由靈而壽
慈普世也交補無不無然其壽壽壽壽壽壽壽壽壽壽壽壽壽
人壽及壽壽壽壽壽壽壽壽壽壽壽壽壽壽壽壽壽壽壽壽壽壽

仇公奐夫先生事略

公生平能詩賦文章經解諸學術當時宿老如天台張鹿坪先生青眼及之光緒己亥年府試全案取第十名遂院試受知於文太宗師考補博士弟子員厥後不求聞達從其伯父賜谷先生學醫濟世各界感戴爰作活人無算匾額送懸門閭迨六旬晉二之年戚族友等製屏榮慶又以蓬壺日永四字顏於額以贈之迄今年及古稀精神矍鑠步履康強而猶仔肩店務辨識病情且老眼無花能作蠅頭小字所謂老當益壯者殆公之人歟元配孺人余氏暨續配陳氏謝氏皆有內助之賢子一如霖當軸咸信任之孫二長康阜頭角崢嶸能立志亦能知醫次定

樂清何氏宗譜

鏞年尚幼已從事小學兼習醫書孫女濟匕盈庭皆受聘而與
之家於此可覩世澤之綿長矣

邑庠生盧鴻藻謹撰

先生自法國留學以還廈門畢業而後胸羅萬卷立孔教以育
人材囊解千金建曹祠以供俎豆盡折獄之片言解紛排難行
減租之大義益寡哀多創船渡於橫溪殊覺情殷濟衆設茶亭
於要路無非志切惠民而且秉和緩之精靈寄生于世得岐黃
之妙訣獨活于民雖醫國無方難弭外夷之患而醫人有術可
除內疚之憂况廁身黨部權司常務委員處世故鄉職選荆區
鎮長能作民間碩士自成國內要人矣德配孺人張氏遵內則
而端方足式主中饋而勤儉可嘉繼起令郎心仲處為雁蕩名
儒出作虹川區長則內有持家助理之賢外有顯親揚名之孝

約三先生事略

先生自法國留學以還廈門畢業而後胸羅萬卷立孔教以育
人材囊解千金建曹祠以供俎豆盡折獄之片言解紛排難行
減租之大義益寡哀多創船渡於橫溪殊覺情殷濟衆設茶亭
於要路無非志切惠民而且秉和緩之精靈寄生于世得岐黃
之妙訣獨活于民雖醫國無方難弭外夷之患而醫人有術可
除內疚之憂况廁身黨部權司常務委員處世故鄉職選荆區
鎮長能作民間碩士自成國內要人矣德配孺人張氏遵內則
而端方足式主中饋而勤儉可嘉繼起令郎心仲處為雁蕩名
儒出作虹川區長則內有持家助理之賢外有顯親揚名之孝

樂清九氏宗譜

亦先生積德于身之感應行善於世之報施也已

皆

民國二十八年歲次己卯九月吉日

族人庠生矣夫能拜撰

先生好讀書能文章善策論以致遊泮水於費官作委員於自治任參事於公庭聲名洋溢乎東甌矣厥後側身商界絕意名途因而率婦子家人棄故里而徙清江之市亦惟術師晏子賈學夷吾耳迄今家稱饒裕內顧無憂而欲退處名山學純陽之悟道不問世事獨善其身斯真令人所欽仰焉

漣清先生事略

先生好讀書能文章善策論以致遊泮水於費官作委員於自治任參事於公庭聲名洋溢乎東甌矣厥後側身商界絕意名途因而率婦子家人棄故里而徙清江之市亦惟術師晏子賈學夷吾耳迄今家稱饒裕內顧無憂而欲退處名山學純陽之悟道不問世事獨善其身斯真令人所欽仰焉

皆

民國二十八年歲次己卯九月吉日

族人庠生能矣夫謹贈

謂不問世事其長漢其令人預為嗚呼
學漢書其漢今東海歸內讀辦要而為匪謂山馬讀謂之
奮因而率領千軍人乘萬里而謂謂其之衣亦非謂憂千買
俯升參事負公謂謂之若將平軍矣謂對謂長商其論謂
武王被謂謂謂謂謂謂謂謂謂謂謂謂謂謂謂謂謂謂謂

仇俊甫傳

仇君夙明出其先君子俊甫公之行事請為之傳瑜以誼勿
克辭遂為之傳曰公諱傑一名允貞俊甫其字也祖夢九考韶
和咸積世以樂善聞公幼而穎秀長而淹博嘗以能文稱於鄉
清光緒辛丑邑宰何公士循擢公於案首壬寅張公亨嘉以公
第二名入邑庠明年督學陳公兆文復置公一等第二名自是
公之名益著而志亦稍匕聘矣會是歲廢科舉為學堂公猶奮
發自勵得卒業於省立法政學堂時周公李光方以知事守杭
州聞公之賢於才也辟為民治科旋將以推事薦公以拂於所
願謝不果就即解綬歸終其身不議時事然每於興學校修道

路發財粟以賙貧乏集兵戈以捍閭里則又慷慨勤勞未嘗一日後人也蓋公樂善之風殆夙秉於祖考者也子二長夙明次心翼均能以讀書繼其家瑜曰以公之所畜使得用於世與子賢士大夫講論於廟堂之上當必有所建施乃竟不見用而僅以能文樂善稱夫豈公之志也歟

昔其昔

民國二十八年歲次己卯九月吉且

李連瑜拜撰

仇烈士如淵傳

君諱溥字如淵一字心泉其爲人也精悍勇捷嗜飲酒居恒好議天下事時夷狄之患頻陵而國家之勢彌急而清廷猶以制藝爲務君獨鄙棄不復爲以爲非崇武不足以捍夷狄之患而拯國家之急於是欲廣覽山川之形勢與乎四方雄傑之士遊以聘其志於天下尋以家貧不果行年踰弱冠予姊始歸於家君雖已授室而於天下之治亂國家之興衰未嘗一日稍忘者也既而其舅李公仲丹以武充習江西講武堂君遂遠道往從之得終業於江西敵兵學校嗣與陳公英士陶公煥卿屈君文六周君六介相結納因與予並入同盟會日以革命奔馳於溫

台間以故閭里耆舊之士屢加迸斥而君咸奮然不顧也未幾武昌之難發四方雄傑之士羣集海上以爭而予與君及文六六介亦潛督南星橋駐軍破杭州且舉湯公壽爲督軍而張勳尚堅抗南京子復與君隨朱將軍介人直攻金陵而君以左側衛誤臨絕境危而獲安後以激戰據兩山孰知方持鏡遙颺遽被彈而歿於軍次年僅二十有八君奉土以勤御下以誠歿之日僚佐親故莫不爲之哀悼泣下迨南京既克兵戈亦息君始歸葬於西湖烈士墓嗟乎夫如淵以草野窮谷之士崛起於行伍間常以天下國家爲己任身臨絕境而氣不稍沮卒以身殉其志之偉而其節之烈也亦可以感鬼神而驚天地者矣然

是二十年來漸就湮滅蓋自古雄傑之士其顯晦窮達固未嘗不以成敗得失而論者也而豈君爲然哉

內弟伯祥葉乃萱謹撰

光緒二十六年元月... 宣統元年... 宣統二年... 宣統三年... 宣統四年... 宣統五年... 宣統六年... 宣統七年... 宣統八年... 宣統九年... 宣統十年... 宣統十一年... 宣統十二年... 宣統十三年... 宣統十四年... 宣統十五年... 宣統十六年... 宣統十七年... 宣統十八年... 宣統十九年... 宣統二十年... 宣統二十一年... 宣統二十二年... 宣統二十三年... 宣統二十四年... 宣統二十五年... 宣統二十六年... 宣統二十七年... 宣統二十八年... 宣統二十九年... 宣統三十年... 宣統三十一年... 宣統三十二年... 宣統三十三年... 宣統三十四年... 宣統三十五年... 宣統三十六年... 宣統三十七年... 宣統三十八年... 宣統三十九年... 宣統四十年... 宣統四十一年... 宣統四十二年... 宣統四十三年... 宣統四十四年... 宣統四十五年... 宣統四十六年... 宣統四十七年... 宣統四十八年... 宣統四十九年... 宣統五十年... 宣統五十一年... 宣統五十二年... 宣統五十三年... 宣統五十四年... 宣統五十五年... 宣統五十六年... 宣統五十七年... 宣統五十八年... 宣統五十九年... 宣統六十年... 宣統六十一年... 宣統六十二年... 宣統六十三年... 宣統六十四年... 宣統六十五年... 宣統六十六年... 宣統六十七年... 宣統六十八年... 宣統六十九年... 宣統七十年... 宣統七十一年... 宣統七十二年... 宣統七十三年... 宣統七十四年... 宣統七十五年... 宣統七十六年... 宣統七十七年... 宣統七十八年... 宣統七十九年... 宣統八十年... 宣統八十一年... 宣統八十二年... 宣統八十三年... 宣統八十四年... 宣統八十五年... 宣統八十六年... 宣統八十七年... 宣統八十八年... 宣統八十九年... 宣統九十年... 宣統九十一年... 宣統九十二年... 宣統九十三年... 宣統九十四年... 宣統九十五年... 宣統九十六年... 宣統九十七年... 宣統九十八年... 宣統九十九年... 宣統一百年...

漢傑君經歷

君年少時駕言出遊結交當世之士各機關堪借枝棲民國七年入福建靖國軍七官補習所畢業充閩南靖國軍第四混成旅第七團第三營上尉軍需八年充第四旅第七團少校軍需正參加剿匪事宜十四年充浙江憲兵營中尉軍需調充揚州軍警聯合稽查處中尉書記官兼軍需十五年冬充天台縣政府第一科七員十六年充國民革命軍浙江游擊隊司令部部屬少校股長十八年充福建省政府建設廳泉永區公路局管理科七員辦理路政著有成績升充晉楓段段長廿一年充國民政府軍事委員會委員長行營徽兵訓練處少尉翹觀卓嶼

突起文峰挺立代產優秀惟君經小學而文詞通達識時務而當局器重焉斯亦仇氏之翹楚也德配冠嶼舉人趙鵬公之女家政克修用能易夫子樹賢良志在四方內助厥功偉矣

軍營聯合調查團中興會館官兼軍需十五平平天合總軍
五參戰團軍事宜十四平天港五連吳營中興軍需團次擬供
蘇豫少團環三營土團軍需入平天港四連環子團心對軍需
平人請我軍團軍以官儲管領學業次團南報團軍環四路與
昔平心領軍官以官儲管領學業次團南報團軍環四路與

仲孚叔華西影兄弟三人聯序

溯厥先尊以生理起家累貲萬哲嗣仲孚叔華繼起經商使三五西影入校求學始則開張大荆繼則分號坎門大展鴻圖突因時勢變更商業受其影響虧折而歸縮之仲則伏義從戎由閩省而隨軍西安委爲中尉電務員叔則任玉環酒捐稽征所所長事後歸而家居守舊與地方人士創辦大荆第一初小附設閱報圖書館以助普及教育至於西影少年老成亦出而任開封鄭州商品檢驗所主任在四川時曾見知於七十七師師長羅霖任爲軍需以非實業不就仍歸實業界而任其事務求普利於人世世合觀諸兄弟之志當聯類以誌之

樂清伊口元請者

皆

民國廿八年清和月 吉且

弟駱繼周謹撰

由國查而翻軍西交委瀛中張軍務員冠限升正聚西匪蘇益
突因朝變變更商乘受其事善練混而體職之仲限分辦游共
三正西邊人勢水學故限與張九博限限食親共門大張西圖
應潮狀事以止應

特字地



三六